

嘉定縣志卷十

藝文考一

經

讀易釋解五卷孫載撰

易說狐白十二卷周之謨撰門人王祺韋泰序



此書專爲科舉而設刻於開州官署

思勉齋易說六卷徐允祿撰

此書本設理而證以聖賢往事蓋留心于吉凶悔吝之故者

修縷齋易說二十四卷嚴衍撰門人朱世泰校

設理宗宋明閒錄周泰以下諸子法語

簡堂易說六卷馬元調撰

易解三卷侯峒曾撰

陸元輔曰先生易解與弟岐曾參定為治舉業者作

周易翼註四卷王泰際撰

周易要義八卷趙洪範輯自序門人沈以曦曹允昌序

易經傳義集約十卷蘇淵撰

周易纂註三卷朱奇穎輯朱之俊序

周易折衷十二卷陸元輔撰

合訂刪補大易集義粹言八十卷陸元輔輯

是書乃取宋陳友文大易集義方聞一大易粹言二

書而合輯之其稿本出元輔徐乾學刻入九經解署

納剛性德之名莫之詳也今特歸正

易經彙參十卷李煥撰

周易玩辭十二卷周易觀象二卷並朱瀚撰

周易玩占二卷周易管窺二卷並王梓撰

周易衷孔十二卷王恪撰自序

周易彙纂六卷錢高輯高字有本諸生

易緯稽覽圖攷正一卷錢塘撰自序

稽覽圖者鄭康成所注易緯七卷之一也

尚書分類研珠箋釋三卷衛臣衛楫同撰臣字西浦庠生楫字臻五

號巽齋恩貢生

尚書後案三十卷後辨一卷王鳴盛撰

自序曰尙書後案何爲作也所以發揮鄭氏康成一
家之學也名曰後案者言最後所存之案也至二十
五篇則別爲後辨附焉

錢大昕曰西泚嘗言漢人說經必守家法亦云師法
自唐貞觀撰諸經義疏而家法亡宋元豐以新經義
取士而漢學始絕今好古之儒皆知崇注疏矣然注
疏惟詩三禮及公羊傳猶是漢人家法他經注則出
於魏晉人未爲醇備故所撰尙書後案專宗鄭康成
鄭注亡逸者采馬王補之孔傳雖僞其訓詁猶有傳
授非盡鄉壁虛造間亦取焉經營三十餘年自謂存
古之功與惠氏周易述相埒

尙書異文二卷諸仁燾撰

仁燾字毅夫諸生廷槐長子

詩劄二卷黃淳耀撰

陸元輔曰崇禎癸未春繕寫二卷至王風而止未幾
赴會試成進士歸里殉難未及成書

詩說十六卷馬元調撰

毛詩箋註二卷朱瀚撰

詩經叶音參攷二卷馬瑩撰

瑩字九達諸生

魯齊韓詩譜四卷王初桐撰自序

王述祖跋曰三家惟韓詩散見於釋文文選注而魯
齊無考董道所藏齊詩乃後人依托爲之今并依托
之書亦不存存者子貢詩傳申培詩說及魯詩世學

皆妄人豐坊僞撰是編掃而空之獨於魯詩石刻殘碑一鱗半甲務存原舊又於三家之授受師承網羅而次第之使讀者開卷了然其有功於後學何如也三家先魯則本之班氏藝文志也

齊魯韓詩義證六卷汪照撰王昶序

詩古訓十二卷錢大昭撰

自序曰予撰詩古訓凡魯齊韓三家之有可證者必引而申之非敢與毛異也守漢儒之遺說以求無悖于義理而已

詩音表一卷錢坫撰

周禮類編四卷孫元化撰

陸元輔曰分類使人易曉周家三百禮儀粲然在目周禮註十六卷王圻撰

周禮軍賦說四卷王鳴盛撰

王昶曰禮堂與惠松崖交深究羣經古義著尙書後案及周禮軍賦說皆闡發鄭氏之說

車制攷一卷錢坫撰自序

儀禮註疏正譌十七卷金日追撰

王鳴盛序曰璞園研究實學深于九經正義旁及孝經論語爾雅精心校讐並有成書統名十三經注疏正譌就中儀禮尤爲完備以視諸家所得不啻十倍禮記陳澧集說補正十卷陸元輔撰

此書爲元輔得意之作徐乾學刻通志堂經解假以成德之名竟沒元輔之實從未有知之者獨方苞嘗嘆息言之

內則注三卷錢坫撰

大戴禮解詁十三卷目錄一卷附錄一卷汪照撰

王昶序曰汪君作解詁糾集同异采擷前說一字之誤必折衷于至當顛力三十餘年後世有復十四經之舊則君之釋詁當與孔賈之疏並行

文廟樂律釋四卷錢塘撰

盧文弨序曰是書首列昭代所定律呂之度數以絲竹爲八音之綱領而闡發精微之奧疏證同異之原所以導一世之趨而解將來之惑重有賴也

春秋億六卷徐學謨撰

十二公各爲一篇不載經文而一一排比年月隨經詮義蓋漢代經傳別行原不相屬似乎創例實古法也

春秋左傳屬事二十卷傅遜撰王世貞序

潘志伊曰袁機仲通鑑紀事本末便於覽讀恨左傳無有如其法而輯之者傅遜士凱更張附益之足以列紀事本末之前

春秋左傳註解辨誤二卷傅遜撰

自序曰予編左傳屬事以不可無註雅愛杜註舉筆

錄之既得吾郡陸貞山附注皆正杜誤與鄙意多合又會眾說而折衷之創以己意而為之釐正

左傳古字奇字音釋一卷春秋古器圖一卷並傳遜撰春秋經傳類事三十六卷陳可言撰

陸元輔曰可言好左氏傳謂編年紀事或一年之內數事錯陳或一事始終散見於數年數十年之後學者驟讀之未易得其要領乃仿袁氏通鑑紀事本末之例作此書其釋義主杜氏而多所損益有與經戾者則參之公穀二傳歷二十年而後成

春秋愚謂四卷徐允祿撰

陸元輔曰此書取春秋三傳及胡氏傳撮其大旨於

前而折衷以己意四家都無當者更出獨見斷之如尹氏卒以為鄭之尹氏即隱公與之同歸而立鐘巫主者也其他大抵類是

允祿所著別有禮樂解毛詩解尚書解史綸蘇偃十七書

左史發明四卷朱瀚撰

左國氏族考四卷戰國策敏求一卷並衛楫撰

三傳經文互異考一卷王鳴韶撰

鳴韶所著別有十三經異義鶴谿賸稿翠微精廬小

稿

春秋釋地五卷諸仁勳撰

仁勳字純夫諸生廷槐次子

孝經釋畧二卷柯烝撰

學庸順文九卷當湖答問一卷並李實撰金湖序

論語後錄五卷錢坫撰

自序曰論語後錄有七例一攷異本二校謬采三鉤

佚記四補剩義五正舊注六采通論七集眾說

孟子解誼十四卷錢東垣撰程瑤田跋

自序曰厥例有七一日正刊誤二日正舊注三日集

眾說四日存鄙見五日正音讀六日輯古注七日攷

異本

孟子正義十四卷錢侗撰

此書自世所傳孫奭疏出自偽作舛訛叢出不足以

發明趙氏義理因援引經傳詳加考訂而作之

嚴伯阜四書遺說二十卷嚴景陵撰男衍參訂景陵諸生

章節疏解多採宋明人說蓋精于科舉之學者也

修禊齋四書說二十卷嚴衍撰

此書釋理亦採宋明人說而畧附攷据于後

四書大旨六卷黃淳耀撰

四書類編十卷錢民輯

四書廣古證八十卷王泰際撰

四書大全微言合參二十卷秦潤撰潤字德彩號誠庵諸生立之父

四書發明四卷朱瀚撰

四書參解二十卷周宗泰撰

門人張揆方序曰先生潛心地理學參解一書羽經翼傳爲朱子功臣不在當湖之下

四書大全述解二十卷金大名撰

大名字淡若諸生

大名所著別有小學章義春秋四傳纂要等書

十三經注疏類抄四十卷十三經辨疑十卷陸元輔撰

陸嘉淑序曰膠城多經學之士如張公路張茂仁邱

子成唐叔達徐汝廉之流指不勝屈翼王爲黃陶菴

先生入室弟子宜其學有師成而著書足以垂後也

五經人物考四十卷錢松撰

十經文字通正書十四卷錢坫撰

自序曰十經者何周易尚書毛詩周禮儀禮禮記春

秋左氏傳公羊傳穀梁傳論語也攷十經中文字之

通假故曰通正書

十三經攷異十六卷吳凌雲撰

凌雲所撰攷異以小學證經義如解左氏莊公寤生

謂寤與選通卽倒產也土田培敦謂培與附通敦當

爲亭古墉字卽土田附庸之類援据極精核

唐石經攷異一卷錢大昕撰

開成石經攷異一卷毛際盛撰

三體石經辨證一卷瞿中溶撰

九經補韻攷證一卷錢侗撰秦鑿跋

經典文字攷異三卷錢大昕撰

此書糾正諸經相沿俗字以許氏說文爲準
讀書證疑十卷陳詩庭撰阮元序

錢大昕曰妙士以五經之 互資攷證觸緒旁通皆
成妙諦文字聲音訓詁一以貫之矣

爾雅釋文補三卷錢大昭撰

此書補陸氏音兼補邵晉涵正義之所未備

爾雅釋義十卷爾雅釋地一卷並錢坫撰

爾雅疏證十九卷錢繹撰

詁訓之學本於聲音故有聲同字異聲近義同雖或
類聚羣分實亦同條共貫此書博採羣經及周秦諸
子漢人撰著之書就古音以求古義引伸觸 疏通

證明

小爾雅校證二卷錢東垣撰

西域爾雅一卷王初桐撰

取西域之方言庾詞依爾雅十九篇之例成之與羌
爾雅蕃爾雅蜀爾雅異曲同工

廣雅疏證二十四卷錢大昭撰

桂馥曰可廬治廣雅三十年始有稿本惟其專且久
是以精審

五雅蛾術一百六十卷王初桐撰

譯雅六卷王初桐撰

仿翻譯名義集之例爲之

演雅四十二卷王初桐撰

此書乃小學之餘文擬經之外篇也

說文統釋六十卷錢大昭撰

自序曰卷有六十例成二五一日疏證二日音切三日攷異四日辨俗五日通義六日從母七日別體八日正譌九日崇古十日補字

說文分韻十卷錢肇鰲撰

說文解字斟詮十四卷錢坫撰

此書刪汰二徐之說獨存許氏原本閒附已見既簡而該于校正刊誤處尤見精審

說文形聲會元未分卷吳凌雲撰

凌雲研究小學以古形古聲闡許叔重之蘊大旨謂字生于音音同者義俱合卽注于說文解字之額

說文解字述誼一卷毛際盛撰

自序曰予治說文有年始成述誼一書述誼者述許君之誼不敢妄參臆說并述吾師竹汀先生之誼也

說文新附通誼一卷毛際盛撰

此書據經典之文正徐氏之陋

說文聲義八卷陳詩庭撰自序

錢侗曰此書大指謂作書之初依類象形謂之文其後形聲相益謂之字而聲亦有義因以象形之字爲聲母以爲部首而以聲同及一聲之轉而古每通借

者爲一類以見聲同則義每相同聲近則義每相近也

說文地名攷異一卷瞿中溶撰自序

說文解字讀若攷三卷說文解字闕疑補一卷錢繹撰

說文解字重文小箋三卷錢侗撰

篆書集略十卷錢楨撰

楨字寧周歲貢生居外岡

千文彙音四卷蕭玠撰吳康侯許自俊序

玠字介玉居石岡東

此書以千字文爲綱以異音者爲部首一切同音者

悉隸其下有一字而各體者有一字而各音各義者

莫不支分派演詳疏于後

字學海珠四卷錢王炯撰自序

釋大一卷釋小一卷錢繹撰

自序曰摘諸經文之訓大小者證以他書觸類引伸

不限形體

聲類四卷錢大昕撰

釋聲八卷錢侗撰

自序曰集羣書中同物異名之文比而釋之皆以聲

首概文字

異語四卷錢坫撰

此書採諸書中之方言遵爾雅例類次成篇以補揚

雄所未備自魏以後不復著錄

吳語詮六卷錢侗撰

者爲一類以見聲同則義每相同聲近則義每相近也

說文地名攷異一卷瞿中溶撰自序

說文解字讀若攷三卷說文解字闕疑補一卷錢繹撰

說文解字重文小箋三卷錢侗撰

篆書集略十卷錢楨撰

楨字寧周歲貢生居外岡

千文彙音四卷蕭玠撰吳康侯許自俊序

玠字介玉居石岡東

此書以千字文爲綱以異音者爲部首一切同音者悉隸其下有一字而各體者有一字而各音各義者莫不支分派演詳疏于後

字學海珠四卷錢王炯撰自序

釋大一卷釋小一卷錢繹撰

自序曰摘諸經文之訓大小者證以他書觸類引伸不限形體

聲類四卷錢大昕撰

釋聲八卷錢侗撰

自序曰集羣書中同物異名之文比而釋之皆以聲首概文字

異語四卷錢坫撰

此書採諸書中之方言遵爾雅例類次成篇以補揚雄所未備自魏以後不復著錄

吳語詮六卷錢侗撰

自序曰據平日習聞里黨方音以類分隸各原其聲轉之由

韻學集成十三卷直音篇七卷章黼撰

桑悅序曰韻學集成凡收四萬三千餘字每舉一聲而四聲具者自爲帙二聲三聲絕者如之仍別爲直音篇總考其字之所出前此未有也

黼作此書始于宣德壬子成于天順庚辰凡二十九
年其字多用篇海龍龕手鑑之怪體其音兼載中原音韻之北聲

轉注古義攷二卷曹仁虎撰

異音七卷錢坫撰

字詁類纂一百六卷錢繹撰

此書大旨規仿儀徵阮氏經籍纂詁故所採之書畧同惟增玉篇廣韻而已其排纂亦用佩文韻如元始也經籍纂詁列入元字此則列入始字蓋經籍纂詁猶佩文韻府此猶駢字類編均爲小學家所不可少之書

史

史記補注一百三十卷錢坫撰自序松筠跋

史記質疑四卷黃淳耀撰

史記釋疑三卷錢塘撰

自序曰予癖嗜算術間取史記律歷天官二書疑者

釋之各得一卷

兩漢書辨疑四十四卷錢大昭撰

王鳴盛曰是編校譌補闕精深確當生於幾千百年以下追及幾千百年以上之事恍如掌上羅文

漢書十表注十卷錢坫撰

新斟注漢書地理志十六卷錢坫撰

自序曰約舉大綱其例有八一日攷故城二日攷水道三日攷山經四日尊時制五日正字音六日攷誤刊七日破謬悠八日闕疑闕

後漢書補表八卷錢大昭撰秦鑿跋

盧文昭序曰晦之補表凡山經地志金石子集罔不網羅綴輯視宋熊方所補奚啻過之

後漢書三公補表一卷後漢書諸侯王世系補表三卷諸仁勲撰

後漢書郡國令長攷一卷錢大昭撰

自序曰前漢令長見于紀傳者少故不具論後漢則本史之外復有碑碣可證雖其閒亦或有沿革而東都制度可見一斑

補續漢書藝文志二卷錢大昭撰

邵晉涵曰是編取蔚宗本史所載及書之見存於今代引證於古書著錄於別史者搜採無遺一代著述洋洋美備

續漢書律歷志補注二卷錢塘撰盧文昭序

三國志辨疑三卷錢大昭撰

南北史摘要二十卷張雲章撰

南北史雋一卷錢大昕撰

東晉南北朝輿地年表十二卷州郡表六卷郡縣表十二卷徐文范撰

王鳴盛曰地理之難知莫甚于割據之亂世漢末天下三分陳壽不作表志茲事已難研究晉一統裁二十三年當惠帝太安二年而僭偽並起自是以後羣雄雲擾閱一百三十七年直至劉宋文帝元嘉十六年而北方諸國始盡併於元魏自是爲南北朝矣魏

衰高氏宇文氏相繼與南朝鼎峙天下再三分直至隋文帝開皇九年始合爲一自太安二年至此凡二百八十七年區宇分裂未有甚于此時者也故地理爲最難明仲圃作東晉南北朝輿地表以年爲經以國爲緯旁行書之而又以晉初所分之二十州爲其緯中之緯下至隋煬帝罷州置郡而止追補千數百年之志抑何博且精也

錢大昕曰仲圃撰次年表經緯分明於南北交爭疆場陷復之迹瞭如視掌洵足補前人之闕而爲後學之指南矣

唐節度使表補八卷諸廷槐撰

唐之藩鎮舊書無表新書方鎮表則表其地而不表其人廷槐補之列方鎮四十有一節度使一千七百五十三人其間除授之故瞭如指掌

唐書史臣表一卷唐五代學士年表二卷宋學士年表一卷並錢大昕撰

元史氏族表三卷錢大昕撰門人黃鐘跋

仿唐書宰相世系之例取其譜系可攷者列爲表疑者闕之

元史藝文志四卷錢大昕撰

元史不立藝文志因取當時文士撰述錄其都目以補其闕而遼金作者亦附見焉

十七史商榷一百卷王鳴盛撰

錢大昕曰西泚先生十七史商榷主於校勘本文補正譌脫審事迹之虛實辨紀傳之異同於輿地職官典章名物每致詳焉

廿二史考異一百卷錢大昕撰

自序曰予弱冠時好讀乙部書通籍以後尤專斯業自史漢訖金元作者廿有二家反覆校勘雖寒暑疾疢未嘗少輟偶有所得寫於別紙丁亥歲乞假歸里稍編次之歲有增益卷帙滋多戊戌設教鍾山講肄之暇復加討論問與前人闡合者削而去之或得於同學啟示亦必標其姓名郭象何法盛之事蓋深恥

之也夫史之難讀久矣司馬溫公撰資治通鑑成唯王勝之借一讀他人讀未盡十紙已欠伸思睡矣況廿二家之書文字煩多義例紛糾輿地則今昔異名僑置殊所職官則沿革迭代冗要逐時欲其條理貫串瞭如指掌良非易事以予儇劣敢云有得但涉獵既久啟悟遂多著之鉛槧賢於博奕云爾

三史拾遺五卷諸史拾遺五卷並錢大昕撰

二書俱採同時諸人之說以補攷異之所未及者

讀史偶記二十卷沈宇撰

宇先成後漢書四卷太旨以紀傳與志參校旁證他說定其譌舛並正李賢劉昭之誤錢少詹三史拾遺之二三甚則前後不符彼此相戾以至魚魯傳訛賢愚失實往往有之況通鑑之作托始於三晉之濫封以正名分也漢魏之際獨非名分攸關乎乃帝魏而黜漢至以諸葛入寇爲辭蓋謂昭烈之於漢族屬疎遠不能稽其世次耳然春陵非遠裔哉光武可以繼西京之統昭烈何不可以續東洛之祧不惟此也周社雖亡秦命未集昭襄雖強猶齊楚耳而遽以紀年朱溫篡唐毒浮於地敬瑭臣虜貽殃萬民是梁晉之罪甚於黃巢世有魯連必當蹈海矣而儼然帝之唐漢之興彼善於此然南唐西蜀華姓棊分彝不兼夏難稱率土郭柴繼統其人華矣加惠蒼黎其政善矣

北畧至開南侵及江其地廣矣要之北漢未亡則亦猶之蜀漢也故周赧入秦七雄分據改稱前列國唐昭隱洛五代迭興改稱後列國漢呂唐武皆宇宙異常之變而大書紀年王莽之篡雖黜其帝號而稱名亦猶大書紀年是皆以正朔歸之也故二媪之紀皆稱附載王莽之紀年號細書此紫陽氏筆削之旨亦衍竊取之義也請更言其槩朝綱國政輯之每詳而家乘世譜輯之或略然略者固略矣而詳者亦未必皆詳偉人宏議記之較備而隻行微言記之或少然少者固少矣而備者亦未必盡備事多提其大綱刪其節目乃節目過刪而大綱亦或不明文多錄其體要翦其枝葉乃枝葉過翦而體要亦多不暢至觀其所載之人顯榮者多而遺逸則鮮矣方正者多而俠烈則鮮矣丈夫者多而婦女則又鮮矣方內者多而方外者絕不及矣余以爲士之窮通命也季孟居三卿之中而顏閔在徒步之列顯者豈必盡足述晦者豈必無可稱乎人雖微也道則尊矣吾補之緩急亦人所時有士方在困厄得一援手便可白骨生肉彼施施者乘堅策肥都人入穴而嬉笑自若獨有人焉奮義慷慨探沸湯而出燻雞視彼無氣無骨者何天壤哉吾補之風咏游女雅傷棄婦聖人猶不盡刪況或以幽閑之姿樹淑慎之範或以婉孌之質夫泉壤

之誠誦其遺編聞其餘烈謂不足以風乎吾補之道
惡乎往而不在如謂六經之外無復妙理聖教之外
無復異人則天地生物亦僅生其大常無奇如水寒
火熱木然石堅者而已矣何以復生溫泉寒火不熅
之木溫柔之玉也哉彼二氏之祖盡性至命幾欲與
尼父驂駕卽其後瑰奇卓越冲虛恬澹之流亦足破
醒迷情振起末俗吾補之温公又以爲子不語怪凡
事涉神異悉刪而不取然怪之興必有所由神降於
莘石言於晉未必非有國者之洞鑿放予亦間取其
有關興廢者補之使學者欲考興亡則觀政於朝欲
知淳薄則觀風於野欲樹宏猷則法古人之大節欲

修細行則拾往哲之餘芳論事者因其大綱以詳其
委曲談文者因其體要以擷其精華人無隱顯道隆
者爲師行無奇平濟物者爲尙丈夫而婦女可醜也
婦女而丈夫可學也遊於方之內者我觀其禮遊於
方之外者我觀其意亦何人非我師何事非我資哉
若夫編年之書始於左氏紀傳之體闢自馬遷二者
異製而同功通鑑之編年亦已踵左氏而大暢其風
矣余又從十七史中節取古人之遺芳逸美堪爲師
法者或於其進身之始或於其謝事之年薨卒之日
略敘生平以倣子長之例使一書之中而立傳編年
其體兩備蓋始事於萬歷之乙卯告成於崇禎之戊

寅二十餘年之中精神無他用也夏以油紙藉臂而書汗流自頂至踵不暇扇也冬則硯凍未融必火烘日曠而書之不敢輟也余豈好勞而爲此哉誠欲求爲君實之功臣耳今使余與溫公比德絜功與劉范諸君子程書較藝誠不敢望其後塵至若因其成書而正其小失補成大觀則病十七史之浩瀚者樂通鑑之簡嚴而病通鑑之闕略者又樂余之補正溫公復起當收余爲弟子矣雖然在昔溫公奉詔編集置尚崇文院得自選官屬如劉攽劉恕范祖禹趙君錫輩皆博學洽聞識該古今之士也而盡爲之佐乃溫公進通鑑表猶云臣骸骨癯瘁目昏視近齒牙無幾

神識衰耗目前所爲旋踵遺忘臣之精力盡於此書況予孱劣無助惟一談子允厚爲我參較他書考訂得失然以二人之手目綜理一千三百六十二年之事良有苦心前程如海茫乎未有涯涘而余髮已皤皤矣此余之所以撫編長歎也時崇禎十七年

談允厚序曰纂輯之事與著作不同編年之書與紀傳有異著作者出一人獨得之見以自成一家之言則規裁易定纂輯者集百家雜出之文以網羅百代之事則筆削難施紀傳者止勒一帝之事止撰一臣之行前後大略合符彼此不相矛盾編年者雜天下之事於一歲之中彙羣倫之德於一日之內條貫既

難井井同異又易紛紛然則著書固莫難於纂輯纂輯尤莫難於編年也間舉其病大概有七日漏日複日紊日雜日誤日執日誣此嚴夫子之補正所以不容已也先生自萬歷之乙卯沈酣其中洞見闕失丙寅春始發凡舉例而補之又苦一人之力有限崇禎戊辰命厚典參較之事已巳秋晉史成帙先生手自批閱以宋齊梁陳及北魏北齊北周七書併南北二史屬厚爲主而先生爲佐自隨以後則先生復自爲政而厚仍爲佐至戊寅七月正編告成凡十三易寒暑矣抑何成之難也先生嘗謂厚曰人之聰明學識百倍於我者有之然而不能成是書者不如我之一也子之一不如我而聰明學識過我我所以不能無子也戊辰至今聯床對榻彼此相商一字未安抽翻百帙片言無據考訂兼旬至於得失已見是非無疑又遲徊久之或竟日竟夕而後下筆先生亦重有苦心矣然不將通鑑原本與十七史全書字字對勘則先生之苦心未易見也

允厚自著有通鑑胡注補宋元通鑑注

重修王宗沐宋元資治通鑑一百卷王者圭撰

王璣曰先君此書扶摘是非旁參方輿記載凡典章人物沿革臧否革夷統系九邊阨塞河源星野莫不

繪燦

資治通鑑備編三百卷秦倬撰

自序云是編宗紫陽以揭義祖涑水以彙事覈其舛
刪其羨事增于前文省于舊

通鑑注辨正三卷錢大昕撰

門人戈宙襄序曰先生于正史外獨愛溫公通鑑謂
胡氏注援引詳贍最有功于是書然亦不能無千慮
之失因摘其尤甚者辨而正之得百有四十餘條

稽古錄辨譌一卷錢東垣撰

列代建元表十卷建元類聚攷二卷並錢東垣撰

自敘曰凡東京以後幹枝則依舊編列東京以前甲
子斯畧不備載以復古人之舊外此正統代號僭偽
國名帝王世系歷代興亡殊方輿廢外國相承建元

頗採其說

諸史會編一百十二卷金濂撰

爲凡例之目十有九曰統系曰名號曰歲年曰卽位
曰改元曰尊立曰崩葬曰篡賊曰廢徙曰祭祀曰行
幸曰恩澤曰朝會曰封拜曰征伐曰廢黜曰罷免曰
災祥曰人事濂輯此書歷四十年始成巡撫李充嗣
梓行

四史朔閏攷四卷錢大昕撰

廿二史目錄異同四卷徐文范撰

刪正通鑑綱目三百卷歸子顧輯

資治通鑑補五百卷嚴衍撰

明史藝文志作二百七十
卷南村隨筆作四百卷嚴

洪武諸刊呈云積卷四百有奇邑諸生秦潤嘗積數十年之功手抄是書至今賴以猶存

自序余年四十有一始得肆力於通鑑全書自是以來無日不通鑑也怒而讀之躍然喜矣憂而讀之欣然樂矣躁而讀之悠然恬矣寧有終日不食之時未有終食不讀之時也書不讀不知其善書不熟讀寢處而沈酣焉亦不知其病余於此書始讀之但覺宏深廣肆如臨海望洋未能見其畔岸也再讀之始得窺其堂奧窮其源委見去取之謹嚴義例之精密褒譏得失以發後人之志考較同異以辨前人之非既三讀之四讀之時覺百中一漏全璧微瑕乃繙歷朝書史而一一對勘之見備者固十之七八遺者亦十年數並附於中并附建元類聚於後大都以正史爲資間亦參之載記稗官而注一二案語於下

歷代州郡表攷畧十卷輿圖備攷畧八卷並徐文范撰
史論一百卷徐允祿撰

註釋楊升庵廿一史彈詞十卷王者圭撰

稗史彙編二百二十卷王圻輯

世廟識餘錄二十六卷徐學謨撰自序孫男元嘏跋
學謨歷官京師劄記朝野時政歸田後彙成斯集

吳越備史補遺三卷錢賓撰

史外紀聞六卷徐文范撰

三古姓系彙譜三十卷孫元化撰

歷代遺民錄七卷朱子素撰歸莊序

子素與友人書曰遺民者天地之心國家之元氣也
本之二十一史參之天下志書因人起例同歸殊塗
請言其概約有七焉曰孤臣曰高義曰全節曰貞孝
曰知幾曰潛德曰散逸此七錄者可以勵學守可以
維世教呼天下以禮義廉恥而使之各有所歸將在
是也

爭光錄三卷陸元輔撰

所錄皆天啟諸臣璫難始末各為傳別有所見悉附
傳後標菊隱紀聞曰者為多蓋非元輔之舊可見此
本侯開國重為編輯者也

存舊錄三卷陳松齡撰自序

松齡字龍水號後邨工詩

吳興舊德錄四卷先德錄四卷並錢大昕撰

祖德述聞一卷王廷諤撰錢大昕序

至聖編年世紀二十四卷李灼輯孔昭煥序

灼字燦如號松亭諸

生纂修館議敘授磁州吏目此書與歙縣黃晟同編

徐宗伯年譜一卷孫男元嘏輯

時光祿年譜一卷唐時升序侯峒曾跋

五十四以前偕行自編以後子懋敬編

侯忠節公年譜三卷子澣輯

黃忠節公年譜一卷陳樹德輯錢大昕序

樹德字裕本監生

洪文惠公年譜一卷洪文敏公年譜一卷陸放翁年譜

一卷王深寧年譜一卷王弼州年譜一卷並錢大昕輯
疑年錄三卷錢大昕撰婿許希沖跋

此書始于鄭康成終于王鳴盛共三百餘人覈其生
卒年月並正傳聞之譌

續文獻通考二百九十八卷王圻撰

程穆衡曰洪洲者述以續文獻通考爲第一

三餘錄一百一十卷秦倬撰沈德潛序

是書分前後二錄各六十卷爲門一二十二前錄曰
讀經曰閱史曰論世曰取義曰懲惡曰考制後錄曰
稽典籍曰彙史乘曰論詩文曰參同異曰推理數曰
紀聞見倣文獻通之例各爲小序以弁其首

續經籍考五卷陸元輔撰

王圻續文獻通考藝文一門多所錯漏元輔作續經
籍考以正之窮年抄撮索隱抉微朱彝尊經義考多
本其說而元輔原本未得行世茲五卷汪照於經義
考內彙錄成之

天一閣書目二卷錢大昕撰

羣書經眼錄六十卷京邸校書錄四卷並王初桐撰

崇文總目輯釋五卷錢東垣等輯秦鑒跋

原本六十六卷東垣與其弟繹侗及金錫鬯秦鑒等
五人各輯一卷合成五卷并校正鄭志九經補韻後
漢書補表彙刻爲秦氏汗筠齋叢書第一集

同邑著述序跋十六卷徐文范輯

石鼓文辨證一卷孫和斗撰

朱彙尊經義考引劉芳詰云此書據左傳定為成王之鼓所辨甚確

金石文字目錄八卷錢大昕撰婿瞿中溶跋

仿趙明誠體為之所收奚啻數倍

潛研堂金石文跋尾六卷續七卷又續六卷又續六卷

錢大昕撰

此書上自三代下迄宋元收採博攷核精

古石琅玕二十卷東漢石刻二十卷並汪照撰

嘉定金石錄四卷篆隸源流攷八卷並王述祖撰

青華閣帖攷異二卷錢東垣撰自序

水利攷十六卷吳淞江議一卷並王圻撰

南河事宜說畧二卷嘉定濬河條議一卷並張耿光撰

吳膠水利圖說二卷上卷吳軒翹撰下卷張崇儵撰軒翹

字葆光增廣生崇儵字孝則歲貢生

嘉邑水道日漸淤塞由乾隆乙酉增立通詳拔夫章

程所致此書圖說利弊瞭如指掌

天台游記一卷鴈蕩游記一卷並張應文撰越游記一

卷大峨游記一卷並張振德撰薈刻為游山記程嘉燧

序

江湖亂筆一卷侯岐曾撰

崇禎己卯春自江西奉母東歸程途瑣事信筆劄記
紀事紀勝之作亦附焉

北行日記一卷吳康侯撰記班評李澄序

南歸日記一卷吳康侯撰江溥評胡公胃片

江淮紀行一卷王機撰

粵游錄三卷陳松齡撰

郡行日記一卷侯永撰自序

北遊日記四卷王初桐撰

王元勳曰北遊日記一編乃進京水程三千里之叢

錄也經川陟原捃摭殘逸凡亭臯散步浦敘維舟靡

不甄綜用留勝賞

西山紀游一卷龍洞佛峪紀游一卷並王初桐撰

入粵記一卷王鳴韶撰

中吳紀聞六卷龔明之撰

自序曰明之年九十有二口授小子是俾抄而藏之

不惟可以稽考往跡資助談柄其間有裨王化關士

風者頗多

簡明錄曰其體似乎小說實則補地志之遺

續中吳紀聞六卷龔宏撰

兩浙嵯志二十四卷王圻撰

朱彛尊曰洪洲者述搜羅未備體例未善要皆爲有

用之學

海防志八卷王圻撰

征東實紀一卷錢世楨撰

山左筆談一卷黃淳耀撰

揚州程晉芳家藏是編所紀山東風土形勢山川古蹟及海運備倭事宜 四庫全書提要曰淳耀生平

未嘗游山東所著陶庵集內亦無此書名惟見于曹溶學海類編疑出僞托

中州雜俎三十五卷汪价撰

順治己亥賈漢復爲河南巡撫修通志价與其役書成復採書所載帙聞瑣事關於中州者薈粹以成是編

燕輶小識一卷吳船小識一卷並侯開國撰

燕輶識京師廣寧門起至揚州鈔關止吳船識嘉定起至京師東便門止凡舟車經涉方輿山川古迹莫不攷核詳明間附名人題詠

治陶紀實一卷趙俞撰自序

滇黔雜記一卷九溪雜記一卷仕學雜記一卷政務紀要一卷宦途始末一卷恤災末議一卷並秦倬撰

壽治政蹟一卷秦倬撰

自題曰序周鶴來壽州任內事二十二則

抱陽毓秀一卷秦倬撰

抱陽山名在北直完縣劉松亭所居

聖賢冢墓攷一卷錢坫撰

兗州雜記四卷龔宏撰

萬歷湖廣總志九十八卷徐學謨撰

黃山志餘十卷周道隆撰

清浦志八卷王圻撰

江川志畧一卷秦倬撰

潭柘寺志六卷張鵬翀撰

畢節縣志八卷唐朱英撰沈德潛序

壽光縣志二十卷王初桐撰

紀紀五卷王初桐撰

此書于壽光縣志內摘出攷據之學成之紀春秋國

名卽壽光

鄆縣志二十卷錢大昕撰

長興縣志二十卷錢大昕撰

長興縣續志二十卷錢大昭撰

吳淞志二卷車信撰

信字雲石

吳淞新志三卷顧車輪撰自序金潮序

車輪字翼軒松江府庠生

寶山縣志八卷秦藻撰

秦氏練川志二卷秦輔之撰

楊維禎序曰道山所編練川志載一邑古今事實戶

口田賦土風物產寺觀學校營砦倉庫祠廟園亭奇

聞異事無不畢備

都氏練川圖記二卷吳郡都穆撰

自序曰自元至正中秦輔之草創縣志迄今二百餘年而紀述闕焉知縣事涿鹿侯淵圖修輯之乃以其事白之部使者莆陽李公廷梧遂屬筆於穆遂列以圖爲卷總萬有八千言

龔氏嘉定縣志五卷龔宏撰

自序曰創縣宋寧宗十年至元順帝至元六年歷一百四十七年邑人秦輔之始作練川志逮今又一百八十一年更無續之者余乃上稽下察積久成類元以前種秦本入國朝遵大明一統志

楊氏嘉定縣志十二卷知縣楊旦聘邑人浦南金輯

旦自序曰嘉靖丙辰開局編纂閱三月書成

浦南金序曰首疆域次建置次田賦次水利次學校次兵防次官師次人物次雜志次藝文凡十篇

韓氏嘉定縣志二十二卷知縣韓浚重修

此志明萬歷中知縣韓浚延邑人張應武唐時升金可綬婁堅宣嘉士徐兆稷鄭閑孟李流芳李繩之唐景十子所修凡五閱月而成

張詩績先世事畧云韓知縣浚修嘉定縣志設局西察院聘三江公爲總裁一時賢者皆秉至公無敢干以私者若有事欲入韓公亦不敢專必書片紙遞至局請教諸先生可則入否則削以故韓志爲嘉定實

錄

趙氏嘉定縣志二十四卷知縣趙昕重修

此志康熙癸丑趙侯延邑人蘇淵汪价陸時隆潘潤馬舒侯仿徐麟定七子爲之五閱月而工竣

聞氏嘉定縣續志五卷知縣聞在上輯

康熙二十二年內大臣督造江南通志檄郡邑各纂志書上之聞侯卽延自俊闕選吳康侯汪价等爲之甫一月告竣

嘉定縣志補編五卷邑人秦立奉委纂輯

雍正乙巳續修郡志檄取縣志新編故有是舉

程氏嘉定縣志十二卷知縣程國棟重修

雍正十一年烏程程國棟令嘉定凡四年調任鹽城所輯縣志延請多人設局于俞九滋家已三歷寒暑五易稿矣猶未成也請于上官以蕙厥事越五年爲乾隆壬戌始克告竣儉于刻資刪繁就簡衆論譏之練川野錄十六卷秦立撰自序

雲津耆年宿學博覽羣書于邑中文獻尤所深悉以趙聞兩志去取未盡允卽其平日聞見所積信而有徵者著爲此書可與都氏練川圖記並垂不朽故程邑侯修志頗藍本也

邑獻雜誌三卷張彥曾撰

膠邑志林六十一卷瞿中溶秦鑒同編邑令趙會序

此書取南翔安亭婁塘外岡廣福石岡淞南馬陸諸志鳩資彙刻頗稱詳贍

大場志一卷周臣撰侯泰序

清浦里志二卷又名江東志沈徵佺撰

外岡志二卷殷聘尹撰自序

槎溪志三卷楊志達撰

淞南志八卷秦立撰自序

淞南志者志紀王諸翟二鎮池

臨江鄉小志二卷張震高撰震高字聞洽

望仙橋志四卷錢桂發撰

南翔志十二卷張承先撰程攸熙增訂合為四卷李賡

芸序邑令吳桓序桓字輝監生

續外岡志四卷錢肇然撰兄大昕序

方泰志三卷王初桐撰兄元勳序

婁塘志九卷風雅一卷陳曦撰自序錢大昭序

錢門塘市記一卷徐文范撰

安亭志二十卷陳樹德撰邑令吳桓序

石岡廣福合志四卷蕭魚會趙稷思同撰王元勳序魚會

字記筌稷思字稼先皆邑諸生

馬陸志六卷封導源撰李賡芸序導源字濬川諸生

婁塘續志三卷潘孝曾撰瞿中溶序

南門志四卷陳瑄撰

子

老子解二卷徐學謨撰

自序日以宋人之障又或剿西方之言以竄入老子故總括諸家而折衷之

老子疏畧一卷龔錫爵撰

道德經注一卷莊騷合評一卷並朱瀚撰

離騷解四卷孫元化撰

離騷路二卷王箴撰自序

箴字辰獻號卽山

箴所著別有易藝朱陸異同辨太湖水利攷

屈子貫五卷張詩撰張大受張士琦序

自序曰長夏無事偶讀屈子自序于心得取王氏洪

氏考亭夫子之集注損益去取參以己見聯綴其詞以貫穿其意而已

風俗通義逸文二卷錢大昕輯

性理發明一卷朱瀚撰

澹語五卷龔錫爵撰李流芳跋

婁堅序曰汝脩之為是編也由孔氏而傍及於二氏疏其所自得以託於大方名之曰澹語

吾師錄一卷黃淳耀撰

自序曰此錄輯於壬申仲冬取古人言行之可法者牽連比附各以類從始於攝心終於養生凡三十二條

知過錄一卷繇已錄一卷並黃淳耀撰

自監錄四卷黃淳耀撰秦立跋

自記曰每日所爲夜必書之兼攷念慮之純雜語言之得失

思誠錄五卷陸元輔撰

黃淳耀序曰交道之喪久矣高者不過門炫詩文下者乃至徵逐酒食其聚會也或甘言巧笑以取悅或深情厚貌以相遁求其責善輔仁者蓋千百不得一焉予爲之慨然而憂惕然而恐壬午春有同志斯道者十餘人爲直言社前輩則有高叔英友人則唐聖舉陳義扶蘇眉聲夏啟霖門生則陸翼王張德符高德邁侯記原幾道研德雲俱智舍兄弟暨吾弟偉赤

也平居自考咸有日記赴會之日各出所記相質顯而威儀之際微而心術之間大而君父之倫小而日用之節講論切偲必求至當之歸而後已諸子奮志進修日新月異而翼王以敦篤之姿爲精微之學惟日孜孜常恐不及苟一言不合乎道一行未得乎中小經指摘立自刻責飲食俱忘今歲之春秋思誠名其日記而乞余數語爲勗予惟大哉乾元萬物資始在天之誠也乾道變化各正性命在人之誠也不勉而中不思而得自然之誠也擇善固執弗得弗措勉然之誠也四者雖有不同然由勉然以進於自然盡

在人以合乎在天其歸一而已矣今之學者未能反身而誠性與天合漫云不假思爲可以坐臻斯道告以博學審問慎思明辨篤行之說往往以爲支離而厭去之其亦謬矣夫聖以誠爲本誠以思爲要故洪範曰思曰睿睿作聖昔謝上蔡見伊川稱天下何思何慮程子謂有則有此理賢却發得太早在上蔡得此一句救拔自是切問近思理會事有不透其類有泚故後來不至流於禪學劉元城事溫公凡五年得一語曰誠請問其目曰自不妄語始元城初易之及退而隳括之日之所行與凡所言自相掣肘矛盾者多矣力行七年而後成夫以上蔡之明敏與元成之剛毅百倍於今之人也然亦精思殫力而不敢高語自然如此翼王勉乎哉窮理以致其知反躬以踐其實庶幾乎孟子所謂思誠者則劉謝不難逮而於立社之意無負矣翼王勉乎哉

徐氏家訓二卷徐時勉撰

皆修身齊家之道以授其子

格致錄二卷侯涵撰

功行錄廣義三十卷李孫奇撰

陸隴其序曰聖賢之書勸善戒惡而已或以義正或以福誘而勸同或以義禁或以禍怵而戒同夫禍福之于善惡猶影之于形也君子衡理不衡數而其教

人未有不兼言禍福者也理足以尊天下之君子而言福然後足以引天下之中人言禍然後足以懼天下之不肖其見於經傳者固已深切而著明君子雖不以欲福而爲善不以畏惡而不爲惡而夫子猶曰君子懷刑是以聖賢自勉而恒以不肖自防也蓋禍福之自人者直而彰自天者微而變直而彰者既有所不及微而變者又不能以天下信則中人以下將無所畏而靡所不爲仁人君子能無憂乎宋之季也功過篇出焉明之季也功過格出焉是皆仁人君子居下位不得已而救世之作也嚳邑李子孫奇字九蘭所輯功行錄廣義蓋本功過格而敷暢其說者余甚敬其用心之厚用力之勤也

嘉言錄四卷秦潤撰

潤字德彩諸生立之父

自序曰每覽古今載籍見有言之警切可爲身心之助者輒自摘出置之座右用以自警

聖宗集要八卷甬江費緯禔撰申毓來訂

舊志作申毓來撰誤

心印正說三十四卷吳台碩撰陸隴其序

台碩字位三陸隴其門人

是書成於康熙壬申以學術治功之要分立篇目而各爲論以發明之其曰心印當取心心相印之義然二字乃佛語非儒語

勤齋攷道錄十卷諸士儼撰

論學書十卷錢民撰

勗德錄二卷秦立撰

自記云予自甲子與諸湛庵陳香谷交始效其法作日記每有所得隨筆錄之擇其語之切要者錄成是書

訓學雜語一卷秦立撰

訓子隨筆一卷陸縉撰

張彥曾曰此書自述生平之行以訓其子

振鐸一卷錢王炯撰

門人曹桂芳曰先生撰振鐸一編其言多修己治人之要而不談理氣心性之奧欲便初學也多範世訓俗之言而不及禍福災祥之說懼雜二氏也

教蒙楷式一卷唐千頃撰

千頃字桐園一清籍精岐黃術

畜德錄九卷王初桐撰

王進祖曰竹所叔父一生文采風流今乃還淳反樸歸田以後潛心理學闡發濂洛關閩宗旨吟風弄月與曉風殘月並傳才人學人一身兼之

經濟內外編三百卷劉維藩撰

維藩字价伯唐正雅曾為作傳

簡我集一百卷歸子顧撰

所輯天文地理兵歷卜筮諸書

淮南子天文訓補注三卷錢塘撰

錢大昕序曰漑亭讀淮南天文訓謂其中多三代遺術今人鮮究其旨乃證之羣書疏其大義或意有不

盡則圖以顯之洵足爲九師之功臣而補許高之未備者也

幾何算法八卷孫元化撰

厯學指南三卷王永芳撰

永芳字安廬康熙間人

自序曰予慕新法之縝密慨舊厯之淪亡輒採擇義和之法錄其條目而疏明之

易知算法七卷沈宏撰

籌算新法四卷沈宏撰

籌算舛于西儒故曰新法其製或牙或竹乘除不用歌訣可以朝學暮能開方法尤爲易習宏是書成于厯算全書未行之前可謂先得梅氏之心者矣其所

著尙有九章總要一書

三統術衍三卷錢大昕撰

此書據班志闡明劉歆之說並正志文之訛二千年已絕之學昭然若發蒙矣

律呂古義六卷錢塘撰

錢大昕作慨亭別傳載其自序及明算較度等篇

素書注一卷沈日京撰

日京原名推字同仁號留已

武學經傳解十卷王圻撰

射評一卷錢世楨撰

射學入門三卷射學指迷一卷高穎撰自序

經武全書十卷孫元化撰

武事全書一百卷沈宏之撰

洗冤集覽十卷王圻撰

明農稿八卷王圻撰

原病集六卷唐椿撰邑合來方燁序
椿字恕齋

自引曰蒐集各家精要質以祖父垂訓間附己意

酌病源編為元亨利貞四類以類分門以門鈐法以

法鈐方

醫編十二卷趙承易撰

痘疹集四卷趙承易撰自序男世熙曾孫俞跋

河洛醫宗二十六卷趙世熙撰姚履素序

世熙尤工詩有石岡老人集

握靈本草九卷王楫汝撰自序

曹垂燦序曰東臯得軒岐之妙編閱諸家之書祕方

靈劑悉悟要旨著握靈本草金科玉條犁然具舉其

學術淵源本之三墳十翼非若世之醫家量藥於寸

七程方於點墨已也

陳曰壽曰東臯先生是書本楊氏刪繁之義攷辨性

用擷取諸家精要條貫之使無剩義讀之知其明簡

傷寒滙編雜症元機萬全備急方並王楫汝撰

此書并握靈本草合刻總名醫書四種

汪价四種醫書總序曰昔有熊氏谷於雷岐著內經

本草為主治之寶經王子翰臣斫首磨研奉為玉律

綜其旨要洞筋擢髓製成四書明絕學詔來茲其功甚偉

十劑新箋十卷王楫汝撰陳日壽編校日壽字全五寶山諸

十劑者宜通補洩輕重澀滑燥濕也此徐之才所述用藥之要楫汝取諸名家說闡其義而推廣之又集

古人成方反覆攷辨補綴各門方之主治亦附焉

陳氏醫案二卷陳國彥撰國彥字君聖號康民諸生工詩兼精醫藥堪輿術

濟生錄八卷秦銜撰

澹庵醫測十二卷周儀鳳撰儀鳳字桐宇歲貢生

醫方採粹四卷朱柱撰自序柱字滄一諸生

此書藍本汪氏集解計各類正方三百七十四附方

四百一十三辨論頗明簡

廣見編四卷俞鐘撰鐘字元音武生

鐘是編皆痘疹論辨看法治用藥調護諸條意見精

當頗為定論也間附醫案數十則

筆塵四卷張承詩撰承詩字致修

承詩精醫術筆塵其醫案也

三時論三卷春溫秋燥論二卷並姚榮爵撰榮爵字天衡

榮爵究心醫術於溫熱暑疫燥痢瘧證尤深嘗採取

諸書精要附以方論萃成二編皆為時氣秘本其子

諸生江字元功能讀父書治病更多奇效

大生要旨五卷唐千頃撰

痘疹寶筏三卷趙曜撰楊士元徐玉瑛序

醫譜十二卷沈彤撰彤字丹彩監生

錢大昕序曰沈子丹彩究心醫方五行壬遁之術皆

有神解又以爲占筮之失正于不驗唯方藥主于對

病疑似之間豪釐千里學醫費人爲禍尤烈乃博涉

古今方書分類採輯辨受病之源得製方之用

省齋學醫筆記二卷徐春和撰

四言脈訣集註二卷王珠撰

此書注例凡三日正注曰總注曰附注皆援引諸家

之說一字疑誤必求善本攷核又爲疏以解之

大生二書二卷附達生編補註一卷種痘法註一卷王

珠錢大治同輯清監生

此書取所嗣真詮宜麟策增補校正彙刻成之

文科纂要三卷王恒其撰恒其字德貞珠女

星命瑣言一卷錢王炯撰

地理囊書二卷陳國彥撰

地理雪心賦注六卷黃國楷撰自序

醒迷論三卷黃國楷撰錢大昭余夢星序

是書專主三元糾諸家偽訣計一十四篇言顯旨深

辨駁精當蓋深於蔣氏之學者也未附山水龍穴歌

地學古經九卷吳軒翹輯自序

是編以補註青囊經青烏經狐首經赤霆經郭氏葬

書蔡氏葬書訂正謬彙為一書

能爾齋印譜六卷錢楨撰

寧周工篆刻宗文壽承李檀園一派其曾孫充芸字

大田克承家學牙銅晶玉靡所不能尤極精美

印則十卷印禪四卷楊褒撰自跋

褒字聖榮居新涇里秦立為作楊憲君傳

聖榮工篆刻閒用竹根為之是其創也

古籀齋印譜四卷陳浩撰王澐張鵬翀朱厚章張揆方

序浩字智周號芷洲諸生

王鳴盛曰芷洲摹印蒼古秀勁風神畢備

臥游齋印譜二卷金惟賢撰又四卷子以挺撰

此書竟輯秦漢迄明金玉晶石舊印若干鈕萃集成

書燦然具備

浣花廬印繩一冊不分卷杜世柏撰呂樾序

世柏字參雲號葭軒

葭軒所作頗蒼勁無纖巧妍媚之病

半壑印譜一冊不分卷唐材撰柳溥序

材字志霄諸生陳浩高弟

王鳴盛序曰半壑摹印骨格宛然芷洲遺範字畫悉

稽說文汗簡玉篇

陶春館印譜四卷汪照撰

桐江印譜二卷嚴孔法撰張陳典序

孔法原名淇字中其

林於山房印畧二卷嚴孔法撰姚埴編汪照序

古泉山館印存不分卷瞿中溶撰

錢繹序曰明季以篆刻著名者有文壽承李檀園古

拙之趣自顧雲美專務工整取悅俗目于是檀園之
派絕瞿君之譜出而顧氏之學廢檀園之派庶幾復
振

書田印譜二卷何名鑣撰

皇明書畫史三卷劉璋撰自序

璋正德間人

畫囊七十二卷陸含薰撰

含薰字菲菴號守庭監生縉子

是書分門凡七首法次論次詩次跋次記次圖次傳
各取散見者而類列之採擇精博繪事之大備也

得岑館畫跋十卷陸遵書撰

畫論一卷時起荃撰

竹人錄二卷金元鈺撰李廣芸序

元鈺喜藏名人竹刻工于鑑別所編始自朱松鄰迄
于莊綬綸凡五十餘人詳其姓名事蹟辨其支派源
流三百年相沿雅技得以有攷又附名號事實未詳
者十二人次卷採錄前人詩文以備攷証

續錢志四卷衛楫撰郁鑄時鈞轍侯肇基劉昌世序張
大本王貽穀跋

錢志補二卷錢志續二卷瞿中溶撰

歷代錢幣圖攷二十卷古錢待訪錄四卷錢侗撰

古器款識攷四卷鏡名集錄二卷並錢坵撰自序

清祕藏二卷張應文撰子謙德編

此書辨別彝鼎圖書之真贋并敘其源流攷核詳善

玉海珠船六卷汪照撰

自序曰予有圖史燹鼎之嗜力不能聚所好往來又鮮儲藏家隨所寓而識之藉資博聞而廣湫見聊以自娛仿鐵網珊瑚以命名

四寶錄四卷陸含薰撰

此書採輯硯墨筆紙典故見於書史者文義精要

文房四寶錄二十卷錢振鷺撰

振鷺字西離諸生

文房肆攷八卷唐秉鈞撰汪照序

秉鈞字衡銓千頃子

續茶經三卷附錄一卷陸廷燦撰黃叔琳序

首列陸羽茶經廷燦採摭諸書悉照原目一一攷訂

續之并補輯歷代茶法

酒史二十卷陸含薰撰

酒愚襟俎二卷附錄一卷陸含薰撰

張龍輔跋曰守庭善飲以酒多受病於足不出戶庭因集酒事及治酒之術對酒灑翰不一年而成酒愚其自號也

羅鍾齋蘭譜一卷張應文撰王世貞序莊繼光跋

此書專論蓺蘭諸法極為詳善

蓺菊譜三卷陸一諤撰

一諤字毅卿

蓺菊志八卷陸廷燦撰王復禮序

廷燦喜蓺菊王翬為繪蓺菊圖以徵菊事因成此書

分類凡六日考日譜日法日文日詩日詞

新菊譜五卷蔡泳撰李廣芸序泳字鏡涵號秋農副貢生善畫

蟲天志十卷沈宏正撰楊萬里林有麟序

錢希言序曰何謂蟲天凡有生則有性有性則有慧性即天也慧即能天也故曰惟蟲能蟲惟蟲能天蓋竊取夫漆園之書之義

蟹春秋四卷汪价撰

貓乘八卷王初桐撰

蝶譜九卷金魚譜一卷並王初桐撰

虎薈續集四卷別集二卷餘集二卷閩集二卷金以埏撰自序

以埏校正斜公虎薈一書因作續虎薈擷取諸子百

一名一物寓言借景者為閩集計一百三十條

小字錄補六卷沈宏正撰雙堅序

前冠陳思小字錄宏正補其未逮並辨正前人之誤

人林別攷三十卷汪价撰汪昭序

譚名自古有之价博采史志類次成編如小字小名之例

姓氏聯珠三卷金以埏撰汪照序

更名攷一卷張彥曾撰

秦漢以前如張祿劉更生趙岐等眾著者不復及獨探唐宋以來稗乘及各家文集所紀其事幽僻人所不甚知者共三百餘條

更氏攷一卷張彥曾撰

亦取唐宋以後幽僻者百餘條此與更名攷俱未卒業之書

修辭指南二十卷浦南金撰

此書取爾雅左腴漢雋書敘指南四書彙為是編其所著尚有詩學正宗

事物初畧三十四卷道士呂志撰

顏氏事文輯畧十卷顏聿津撰張詩序

玉臺清照六卷侯演撰自序

錢塘跋曰幾道所著皆男女瑣事類純袴公子宴佚華禱者之所為引據自上古迄南唐宋凡八十八目

幾道新婚與夫人姚氏同輯此書未匝月而成人方之東萊博議

蘭房廣記十卷閨秀姚媯俞撰侯演序媯俞字靈修姚文毅希孟女孫

嫁侯文學演乙酉演從父死遂祝髮為尼

改字再生學出世法終老于佛燈經几間

奩史一百卷拾遺一卷王初桐撰

伊江阿序曰奩史之作坊於凌義渠論者稱為幽艷然祇兩卷而已巉瑩山人薈萃諸子百家之書而甄綜之成一百卷分三十六門大而典章制度小而一

名一物微言懿行必錄香麗怪奇不遺至纖至悉浩

如秩如以鄭樵王應麟之學行張泌宇文氏之文而

義渠不足言也是可傳已

蛾術編一百卷王鳴盛撰

錢大昕曰蛾術編其目有十曰說錄說字說地說制說人說物說集說刻說通說系蓋仿王深寧顧亭林之意而援引尤博贍焉

養新錄二十卷餘錄三卷錢大昕撰自序阮元序

是編博覽所及隨手割記仿顧炎武日知錄而精博亦遠過之

讀書辨十卷錢賓撰

粵東竊聞記四卷王鳴韶撰子嗣祥編輯

王嗣祥曰先君子粵東時與錢少詹辯晰形聲攷證傳註研索經訓異同核覈記傳得失旁及子史瀕取

衆長而成之

讀書瑣記四卷陳詩庭撰

儂雅十一卷汪价撰

秦藻曰是書專辨吳東諺語俗事悉據典籍一一攷證分類曰儂渠九九霜同魁壘屋山頓食箭衣鐵犁桴楚鞍馬來釐計一十有一意見頗新

恒言錄六卷錢大昕撰

此書以里言俗語究其自始計八百餘條可謂富矣
邇言六卷錢大昭撰

是編類次俗語俗事之見于典籍者如釋常談之例
信齋知見錄三十卷楊應龍撰

草堂漫錄四卷吳春撰春字金仁號鶴溪成化間人

設諧隨筆十六卷金兆登撰

記古今瑣事異說所採頗博

水窻叢筆二十四卷唐景亮撰

皆遺聞瑣事分類記纂採輯亦博

東塘日劄四卷朱子素撰

菊隱紀聞十六卷陸元輔撰

是書不分門目於明季朝政邑中文獻紀載頗詳間

及辨論理學經義金石皆有引據足資考證也

目中錄二十四卷徐星譽撰星譽字含文諸生

此書記錄時事其言多可采者程志作日中錄誤

課餘隨筆二卷秦潤撰

見聞雜識十二卷秦立撰自序

沈宇曰雲津先生是書雜記勝國及當時軼事兼摘

史志可備異聞並有關懲勸

南邨隨筆六卷陸廷燦撰王澍序

南邨以平日見聞隨筆掌記皆採取王漁洋宋牧仲

兩家說部而推廣之其中如辨古人登高不獨重九

開元寺紙簫勝于養簫諸條頗見新意

味閑曼衍錄一卷王敬銘撰自序

陋巷瑣談二卷顏向滢撰外孫王述祖校

見聞隨筆二卷彭述撰

逸事瑣談四卷秦藻撰自序

張彥曾曰融初先生所記皆前輩瑣談于邑中文獻
深有裨益

蓉鏡堂日鈔三卷曹桂芳撰

紅梅閣雜鈔十卷金鳳綸撰

菊窻閒錄八卷荷田消暑錄十六卷吟雲檢篋錄一卷
並徐文范撰

質直談耳八卷錢肇鼇撰從兄大昕序

吹影編四卷程攸熙撰朱淞序

寄閒齋雜志 卷朱松撰

視聽拾餘十二卷王晉升撰王鳴盛序

謏聞錄二卷王述祖撰伊秉綬序

商刻十六卷李宜之撰

浦熙曰縉仲著述等身垂老不遇欲自刻其詩文因
歷引古之有文而不遇者以自況又慮無賢子孫如
某某者傳其文無賢師友如某某者表章其文無在
位者荐舉如某某之於某某者以揚其文無當宁特
達之知如某帝某后之於某某者以顯其文一引動
數百人凡數百餘紙計數千人共爲一篇此從來未
有之體奇文也

辨毀十二卷李宜之撰

縉仲當時以人多毀之者因歷引古人以自況自解

亦數百紙計數千人共爲一篇體與商刻同

汪子化化書二卷汪价撰

秦藻曰是編託於鳥獸草木蟲魚之事以寓諷刺玩世亦傲世也

价所著尚有火山客譙十五卷廣禪喜一卷鼠嚇五卷俗語三絕倒三卷妙喜老人璣記四卷皆感刺諷刺談諧之作也

辨惑論二卷沈步青撰自序項寅序柏學源跋

世人惑於二氏五行家之說而不自修省因成是書爲醒愚要論所駁神名佛號惜字諸條未免過當

銀鹿春秋一卷陸嘉穎撰

昔病記一卷侯沆撰

沆未冠時得迷罔之疾常與神遇其事甚祕經道士范某禳除始愈因記其巔末

蒙難紀實一卷戴鑑撰

記蠲漕事與聞侯在上及諸紳予同下獄自述其被逮及出獄始末

聲冤錄二卷

此書不著撰人敘述孝子朱羽吉事本名戴天恨

南窗夢一卷秦倬撰

記甲午歲乏貲不與鄉試醉後入夢如邯鄲南柯

靜節居遺稿二卷又名抱關日記蘇澆撰

此隱居守志之日紀也間錄時事末附自傳頗詳

燕喜樓日記十卷侯泓撰

南樓日劄十二卷侯開國撰

敬齋日錄六卷張鵬翀撰

悅舟日事記畧四卷侯棠撰

訥庵日錄五十二卷秦倬撰

竹汀先生日記鈔一卷姬繹編何元錫跋

評論諸書宋元善本真贋最爲精審

詩話選雋三十六卷汪楷撰

自序日前集二十卷分部凡十日知遇日節義日曠

逸日感概日見風日清薄日題咏日鍾情日幻異日

諧笑後集十六卷皆採錄前人詩話

借別有彙氏碎金二十卷

雪庵詩話十七卷汪楷撰金以埏編

此卽詩話選雋擇其尤精者存之

增定陽關圖譜四卷汪价撰

詞鶴十四卷孫致齋撰

首冠張安沈義父樂府指述餘姚樓儼勘定

小鄭環詞話三卷王初洞撰

錢塘日前人作詞話者多矣此書獨能於詞苑中開

一正法眼藏真空前之作

續詩話總龜前集三十卷後集二十卷錢寶撰

前後集各一百家阮閱所已錄者不重出

國朝詞話九卷汪照撰

四六叢說四卷汪照撰

金以埏曰少山編纂駢體文話皆採取古今說部於

唐宋為尤多擇其詞句清新辨論精審者得三百餘

條

詩文語錄二十卷僧淨斯撰

九九參一卷龔錫爵撰自序李流芳序

此書專設佛理計八十一則如禪門語錄

淨土指要五卷吳莊撰彭定求孫致彌跋

阿彌陀經要解一卷龔懋傑撰王晦序

釋疑錄一卷錢高撰王爾達序高字有本諸生

高辨論因果舌底瀾翻皆證明佛理以勸人敬信

金剛經註一卷陳時敘撰

金剛經註疏一卷心經輯註一卷秦大成撰

文學教禪師語錄六卷門人濟行編

龍山老人行腳記事一卷門人元哲編

正教錄四卷陳俶黃淳耀侯方同編

靜功集要三卷陳俶撰

天仙大道金丹正傳一卷李德洽撰德洽字其文號真陽子諸生

自跋曰予髫年即慕大道偶見道典無不細究沉潛

于斯者三十餘年始得進虛無之奧著成此書以證

道光言淺義深非學道數十年而披讀則百無所得矣

吳軒岐曰此書煉內丹之秘訣所述築基採藥運火養胎出神諸條曲爲詳悉蓋精深於陰陽升降之玄機也真陽先生卒之日有人遇於丹陽道中亦異事也

卷十一

藝文考二

集

都官集十卷武邱居士遺稿十卷並龔宗元撰

孫積中集五卷孫載撰

起隱集三十卷龔况撰

北澗集十卷釋居簡撰

王常宗集四卷補遺一卷續補遺一卷王葵撰都穆序

王常宗集一名媯蚩子集一名三近齋稿皆卽此書江南通志二日並載

張長輿詩藻曰世以高楊張徐爲吳中四傑非也高啟楊基徐賁皆吳人而張羽非吳產安得借才異地

乎殷無美云王彞嘉定人與高楊徐齊名是謂吳中四傑

都穆曰王常宗古文明暢英發

朱彞尊詩話常宗學有淵源集中孔子廟學碑南門記鄉飲酒銘文甚高潔

彞之學出孟夢恂夢恂之學出金履祥本真德秀文章正宗之派故持論獨嚴

重刻王徵士集四卷附錄一卷宋犖序陸廷燦後序

此集初刻於明宏治壬戌 國朝康熙間陸廷燦重刻

樸菴詩集十八卷文集二卷范純撰

竹居集十卷徐博撰

玉書樓稿一卷龔宏撰陳國華序

司空著作有玉書樓稿六卷蒲川稿四卷又有水經補黃河或問續中吳紀聞六卷方外別志皆燬於火遺詩一卷其五世孫錫爵始刻而傳之

楓亭詩文集二十四卷秦鑄撰

鑄字選良

東巖存奏一卷沈灼撰

少峯詩集三卷文集三卷公餘寄拙稿五卷張情撰日涉園詩集三卷文集二卷張意撰皇甫汈序

森玉樓稿一卷沈陽撰楊時喬序

張萬山詩二卷張楫撰

清河疏稿二卷張任撰

徐氏海隅集詩編二十二卷文編四十四卷外編十五卷凡八十一卷徐學謨撰自序

列朝詩傳言公詩文無體不備亦無體不工昌明博大居然盛世之音自開一邑風氣若邑中從游者別有殷職方龔方伯張大參唐布衣婁貢士諸公皆其所獎厲誘迪以底於成者也故一邑文獻必以公爲巨擘

錢大昕跋明三百年吾鄉先達官至二品者惟龔徐兩尚書龔以侍郎致仕加銜初未履任名列七卿表者獨徐公一人耳自成化周洪謨後宗伯一席非翰

林不得預公獨起家郎署不由詞林尤爲希曠之遇王元美與公書謂破格登賢爲國家第一盛典鄉邦第一盛事者也世俗訾公更名結婚兩事更名本末公集中自記甚詳若申文定公與公同郡閣部相去一間門戶相當豈有繫援之嫌文定旣登首揆卽致仕里居終文定秉樞之日公未嘗再起揆之形迹亦無可議明季愛憎之口大率如斯不足信也因讀公集輒爲辯之

春明稿文編十卷詩編三卷徐學謨撰後附溟郎續稿一卷自序

歸有園稿十二卷徐學謨撰

門人徐汝濟序曰歸有園稿大宗伯自萬歷癸未歸
田所著詩文不佞濟爲之校而刻之以詔世者也
學謨所著連湖廣總志南宮奏題稿宗藩要例共二
百五十六卷

洪州類稿文三卷詩一卷王圻撰

圻著述浩繁詩文殆以餘事視之故寥寥如此類稿
乃其提學湖廣時所自編其孫謨又爲重刻

金伯謙詩稿一卷金大有撰唐時升張恒序男兆登跋
小竹山人集四卷王翹撰秦立跋

嘉靖中倭亂翹嘗居幕府贊軍事集中贈酬諸將之
作居多其詩宗孟郊王世貞以爲三百篇遺音

一粟遺稿二卷封域撰

域字洽海
居馬陸村

鐵菴遺稿二卷侯堯封撰王圻序

小松山人集一卷又名竹月樓稿朱纓撰

婁堅曰小松風流灑落任意抒寫香山擊壤之遺

陽春草堂集六卷西行稿二卷並邱集撰

集所著別有掛一備忘見聞信筆筦程斑橫槩小稿
邱氏傳家錄婁堅曰寒谷著書凡三十卷藏於家
馬舒曰邱子成歿後有子式微攜其父書求售子以
婦家簪珥典錢付之遂得其書數種

秦立曰子求邱子成書累年不能得後從周子文濤
處借得陽春堂集及西行稿不勝喜躍詢其所自蓋

得之於馬氏云

文起齋集文六卷詩一卷張應武撰秦立跋

殷無美集十三卷殷都撰

入粵吟一卷龔錫爵撰

自題云余薄宦二十年未嘗言詩比踰五嶺陟滄海
窺朱明洞天得數什以示歐君大任君作者也謬以
爲可遂刻石置古澹齋壁間清漳顧臬云入粵吟石
刻在觀察署中揭者如探珠淵乃更書付之剞劂

易安堂稿六卷時偕行撰

西臺疏草三卷時偕行撰自序

汪純題後曰時公乾所所草諸奏凡二十六篇所爭

皆天下大計苟從其言有神宗社非淺顧考之神宗
實錄既不及爲公立傳後來秉筆纂修者亦無從悉
公始末大可歎息

福持堂存稿二卷金兆登撰

明志稿三卷詩二卷續稿一卷因明子一卷學辨撤部
一卷並張恒撰

明志稿自序曰語不必工意不必遠古不必合今不
必雜生不必名沒不必傳聊明吾志而已矣

朱葵尊詩話伯常古風磊落近體亦安詳比於同邑
四先生似覺挺拔

東塘日劄曰恒所著先覺論心學論格物辨禪宗辨

考亭象山陽明學辨龍溪念菴學辨近溪整菴言性
辨大要歸於崇實棄虛

長吟草三卷張恒撰

侯峒曾曰明初詩皆和平忠愛醒世達生之言

清寧集三卷陸曜撰

許自俊曰陸君陽生精通律呂寄情絃阮董思翁贈
有三絃律呂同天地六合文章借姓名之句所著清

寧集陳百史吳梅邨曹秋岳宋荔裳皆有序跋

李夢菴詩稿二卷李元芳撰張凝元跋

元芳別有詩稿二卷題曰閒窻隨筆

凝香閣詩草三卷須之彥撰

幻游集三卷陳國紀撰

三叩詩草十卷孫繼統撰自爲解義箋注徐汝廉序

字續之元化之
父萬歷間諸生

繼統集中有鴈字詩二百首唐時升序美人樂甲詩

二百二十七首沈宏祖序

天垣疏畧二卷侯震暘撰李邦華序

邀仙閣詩集四卷汪明際撰

明際所著別有陶齋佚稿義經翼所裁定有廣輿記

性理會通通鑑箋注董子繁露淮南子訓等書

幽居草一卷寄閒草一卷居素新聲一卷並朱稚美撰

水一方人集二十八卷孫元化撰

元化別有著述各種并此集共一百卷子和鼎和斗
編定

徐時勉序曰孫火東中丞之沒幾三十年矣國變以
來史筆未定公之精誠紆軫苑結當與陰雷曠風並
存宇宙固不屑以生前緒言與天下文人墨士爭勝
於名山國門之間雖然當城邑殘破兵戈掃室藏書
之家卷帙狼籍道路已散爲烟塵灰燼而公之遺文
無恙豈非珠光劍氣不沒於蠹紙渝墨有神物呵護
者耶公三子和鼎和斗和京更代左右於行伍鈴柝
之間其相區畫故於其文敘次無訛揅括不漏及公
沒後和鼎和斗又以十年飲血之痛勾稽餘剩蒐集
散逸發明當日成敗利鈍朝臣邊臣掣肘誤國之故
故於遼事獨詳而公所以竭志畢命於遼事者亦若
燭照而數計至於務兼六職事係九邊馳驅中外言
有相關者何一非本諸閱歷鑱刻腸胃以出未可以
詞章兩字概之也其平生志業氣節詳於和鼎所誌
紀事而公之婚侯研德狀之同邑黃陶菴記之鹿城
歸元恭又傳之皆可以採補國史予無容更贅至於
公之著述不一而所註離騷周禮及幾何算法等書
則又其忠孝至性及經濟根本所在亦當使天下見
之

三易齋集二十卷唐時升撰謝三賓王錫爵序

侯峒曾曰曰四先生中唐先生齒最高唐氏在嘉定
三百年來率以孝友詩書推絕於當世而先生父博
士公尤著先生源本家學厭薄陳腐未壯便謝舉子
業獨以其全力妙思六經涵咀百氏所交皆先輩大
儒相與揚權古今治亂成敗得失之所以然與夫作
者之源流旨趣務極乎要鬱積既久稍溢出之筆墨
舒卷如絳雲在霄不自知其所所以然也丙辰遊京師
偷兒眚篋去丁卯弗戒於火數椽之廬一夕而燼今
所存皆其季子君辨博搜而精校之者

王衡曰叔達五言古高閒遠澁以方儲韋不啻過之
七言古步驟老杜乃專肖其神情五七言律出入王

右丞  隨州間

朱彝尊曰嘉定四先生詩文當推叔達第一

學古緒言二十六卷吳歛小草七卷婁堅撰謝三賓序

朱彝尊曰練川三老詩子柔古風獨勝

王士禎曰子柔古文真古文也

檀園集十二卷李流  撰徐秉義序李宜之陸元輔跋
流芳疾邑令謝三賓詣視之索所作因盡出平生詩
文手自芟纂以成斯集

松圓浪淘集十八卷偈菴集二卷耦耕堂集二卷並程

嘉燧撰

謝三賓合程婁李唐之詩文刻之名嘉定四先生集

後遭兵燹散佚不全康熙甲戌陸廷燦補刻復完
王士禎曰嘉定四先生皆經明行修學有根柢淵源
古學不逐時好而詩文書畫至今照映海內人爭寶
之

思勉齋文集十二卷詩集二卷徐允祿撰許自俊王泰
際序

允祿經學皆未刻是集爲門人潘潤梓行

朱彝尊曰汝廉抗言持論具有經世之術詩非所長
公路詩集八卷張名由撰唐時升歸莊序

朱彝尊詩話公路居平世而好言兵棄家產僮僕以
避徭役可稱知幾之士蓋先妻唐程李四子稱詩而

學文於震川者

沈博士集六卷詞一卷沈紹伊撰

侯峒曾序云沈氏鉅族擢巍科登顯仕黃門烏府萃
於一門

扶芳館詩草四卷唐正雅撰唐時升序

簡平子集十六卷補遺一卷王道通撰趙洪範序

門人沈士蘭跋云錢虞山選明詩蘭捧夫子詩登堂
以請虞山許爲采錄及選成竟見遺然夫子詩自足

千古如虞山之人品豈足重夫子也

士蘭字京香號南陔工書法有

香祖閣詩集

嘯臺集六卷徐兆曦撰

馬元調曰太室之有孺旭猶東坡之有叔黨所著別有名飲述

繡虎軒詩集四卷徐兆稷撰

唐時升曰孺毅與兄孺旭才名競爽年僅四十二有子早殤從子元淑搜拾遺文而刻之

崑山雜咏

懷及軒詩集二卷龔欽仕撰侯峒曾序

芥浮閣遺稿二卷鄭驥撰李流芳嚴衍序

落花百詠一卷殷亢宗撰

亢宗字身之高歷間諸生

亢宗詩有灌花居吟稿

病夫小草一卷俞尚賓撰

尚賓字賓王

納言集四十卷侯峒曾撰

清容齋遺稿二卷龔用廣撰

門人時炳序曰先生全稿已散佚僅得七十六首

南有堂遺稿一卷龔用圓撰

守菴集一卷朱大經撰

陶菴文集二十二卷黃淳耀撰

乾隆間重刻沈德潛王鳴盛皆有序

吳偉業曰黃陶菴先生死忠之五年其門人陸翼王收其遺文百餘篇屬予為之序嗚呼陶菴之文止於此而已乎當其城陷引決投筆絕命搃吭而死翼王訪求搜購於流離煨燼之中遺編斷爛什不一存此可為流涕歎息者也陶菴深沉好書遷固以下諸史

丹黃鈎貫畧皆上口其於考據得失訓詁異同雖起
古人而與之讐問莫能難也爲人言規行矩早有得
於濂雒之傳嘗謂人曰吾比來爲文初無所長然皆
折衷大道稱心而言質之於古擬之於今其不合於
理者亦已少矣此其一生讀書之大畧也爲諸生二
十年晝夜講性命之學晚而後遇不肯就官城破之
日從容授命今其書雖不全使讀之者慨然想見其
爲人益足以徵於今而信於後無疑矣

陸隴其曰自變故以來平日設忠孝講仁義之徒臨
利害而喪其所守者何可勝數而先生獨毅然不變
人之所隱忍徘徊而不能決者先生視之若渴飲饑

食之不容已夏葛冬裘之一定而不待擬議也此豈
可以強至而卒辦哉蓋其所積者厚而所養者深矣
宜其發爲文章精純超絕協金石而中宮商也

冰抱老人集十八卷王泰際撰

侯開國曰公詩鎔鑄百氏自成一家書懷云生守終
身前進士死丹片石晉遺民尤足以見公之生平云
又有壽硯堂續集

溪亭集三卷嚴衍撰

簡堂文集十二卷馬元調撰

湖山草二卷馬元調撰張賓王序

雲壑詩一卷陸敏行撰

敏行字遜修
明季副貢生

止老堂詩稿八卷張景韶撰

景韶字公紹號正菴官雲南司郎中

裴村詩集一卷閔裴撰

黃淳耀序畧曰嗚呼此吾亡友閔君裴村之詩也君因學詩而大困然好之益力詩益工當其苦吟時雖家人呼之不應歿於崇禎十一年歿之前為醉李故人延致家塾得寒疾歸未至家數日力疾盥櫛堅坐舟中家人驚往逆之已不能言矣扶舁入門一夕卒卒時手執一書牢甚家人取視之則其平日所為詩也嗚呼可悲也已

兩齋詩稿四卷孫介撰

介字石父天啟元年補諸生

曹公詩稿二卷曹修儒撰

選菴詩鈔三卷文鈔二卷東歸稿一卷並徐時勉撰

歸莊曰克勤詩蕭然閒曠有陸放翁之風

朱葵尊曰崇禎庚辰思陵留意人才俾下第舉人及廷試貢生俱留特用悉畀以民社之任於是舉人史惇以下一百六十三人貢士吳康侯以下一百人許同進士出身是榜死事者甚多克勤復社者宿注各特用榜中與陳孝廉瑚歸處士莊敦高尚之節亦不愧是科者

谷簾學陰一卷黃淵耀撰

侯開國曰偉恭先生谷簾學陰係先生季弟殿雯所藏乃合虞山毛氏隱秀集詳加參訂而錄之陸子扶

照登諸梨棗

南塘青青草十六卷王霖汝撰史騏生序

遂齋詩鈔五卷吳自惺撰

自惺字元
咫歲貢生

青溪草堂詩集四卷沈宏之撰

李本寧曰茂之近體含蓄不露得唐人之遺風

枕中草二卷沈宏正撰

此宏正遺詩也別有雪堂詩集

竹中吟稿一卷朱珩撰

珩字行節崇
禎間諸生

侯雍瞻詩文集三十卷侯岐曾撰

岐曾別有丙丁雜志膠城救時急務二書

侯幾道集八卷咏物詩二卷並侯演撰

掌亭集詩畧八卷文畧二十卷總名集畧侯泓撰陸圻

葛雲芝序

泓後更名涵字
中德私謚貞憲

貞憲所著別有玉臺金鏡錄枕中集左國類雋

朱彝尊曰貞憲論文以孟子為宗其畧曰讀孟子而

恍然悟其所以為文者然後知事埋象數變易吾前

莫非是物引而出之汨汨乎其來浩浩乎其不可窮

奇正隱顯起伏開闔隨吾意之卷舒而未有壅遏是

故吾無常師能驅使古人而不受古人驅使斯得矣

詩期本之自得苟自得之師心可也法古可也錢塘

陸麗京稱其述作勃然若鞭雷霆沛然若決江河為

同調所賞若是

孝隱詩文集五卷侯澗撰

侯雲俱集六卷侯潔撰

潔所輯有歷代遺民錄自伯夷以下至宋末而以包胥張良附於後志報讐也又有玉谿生詩箋皆佚於兵燹

柘園集十二卷侯沆撰

沆所著別有學古十函學易折衷月蟬筆露明月詩筒

侯文中集一卷侯洵撰

洵字文中號確齋岐會仲子

洵潛心理學黃淳耀稱為聖賢種子作詩不留稿兵燹後散佚幾盡錄存一卷俾尚論者得觀六子之全

槩菴集六卷張紀撰

紀字齊方振德長子少補庠生後以父磨授武德將軍北京錦衣衛

中所正千戶

和程詩自序曰余侍孟陽先生函丈崇禎甲戌乙亥間先生有栗里間情之興眷矚楊娃贈以招雲留雲緬雲諸什余徧和之另為一種

啟禎集八卷張緝撰

緝字穉龍振德次子隨任蜀中十九丁大難仗劍從戎斬叛招降

齊撫彙題優敘侯補都司僉書不就歸補郡庠生

雙楫書屋詩稿四卷秦羽鼎撰

羽鼎字賓侯李長蘅外甥

焚餘詩稿二卷秦羽泰撰

羽泰字家侯羽鼎弟

夢游草一卷王晉撰

晉字喬年

寄情草三卷趙璧撰自序

松濤閣詩稿二卷李宗之撰

秋吟一卷楊湜撰自序湜字智瑩諸生

貞壽遺稿六卷侯良暘撰末附赤崖詩一卷

挺生遺詩二卷集杜詩二卷並李植撰

東涯詩稿四卷蘇震撰震字長侯居新涇與陸徵君同里同志遂聯姻姪

枕中近體一卷張鴻磐撰張孔佐序

南州草一卷張鴻磐撰曹學佺序

彞門草一卷張鴻磐撰倪長珩序

一品會疊韻詩張鴻磐撰歸莊序

北征詩一卷張鴻磐撰

湘游篇一卷後湘游篇一卷續湘游篇一卷張鴻磐撰

王泰際序侯汾跋

西樓詩稿二卷張鴻磐撰

西州合譜一卷張鴻磐撰李宜之序

猗園集四卷李宜之撰

寓園文集三十卷李宜之撰

封禺集一卷銀陽集一卷並朱子素撰

隨園雜著十六卷萬珍撰珍字聘之廩膳生居大場里國初舉鄉飲

春及堂詩集八卷汪來許撰

侯開國曰來許無際子才名藉甚詩人李聖芝汪楷

等皆出其門

愚谷集四卷可齋集一卷並湯哲撰王道通序哲字濟冲諸生

居婁

塘

夜雨吟一卷奚昌祚撰

昌祚字研修
明季諸生

敬亭詩草二卷朱祥發撰許鍾英許自俊趙俞序

祥發原名

德繁字視節廩
膳生後入成均

吳鐵菴詩集十二卷吳康侯撰

小山近草一卷吳康侯撰

潛壺文鈔六卷鐵硯吟一卷昔昔吟一卷籌筆小草一

卷並許自俊撰汪遐序

自俊別有三通要錄北征錄歷遊山水記樂府指南

左氏提綱讀史偶評敝貂錄休寧縣志司計全書韞

齋集內外編纂了公宗旨諸書

剩齋詩稿八卷李更撰

更詩步趨唐程不越尺咫

學圃亭詩三卷何平撰趙昕序

許自俊曰匡山詩氣韻清古格律嚴老

汪价曰匡山詩不屑為陶韋牛後而清音逸響時或

近之

旃檀閣風人稿四卷馬萬撰

三儂嘯旨五冊汪价撰

三儂嘯旨二十一冊汪价撰

林大中曰三儂詩文已付梓者五冊語涉詼諧題少

馴雅其自序二篇亦多夸誕語未刻稿二十一冊論

策序傳記根柢深筆意開濶具有結構詩亦諸體
皆工儼然大將旗鼓

西來集二卷楊世清撰

世清字滄遠

平園詩稿二卷卽錦娛堂詩集周陳俶撰

先甲詩集四卷砒雲草一卷或齋文稿六卷並蘇淵撰

集菴詩草四卷柯炳撰

惕菴稿八卷蘇澍撰侯開國校定

留春堂詩文集六十卷馬翼撰

篇什之富可與陸劍南相埒雜文亦才藻斐然

花隱詩鈔一卷王者圭撰

陸元輔曰花隱深於史學詩亦朗秀

西亭詩稿吳屯侯撰無罪草偶存篇並吳莊撰皆不分
卷有汪价許自俊序

莊無子其甥嚴勤取二吳之詩文替刻爲延陵合璧

郭亭三編十六卷陸時隆撰

陳確菴曰郭亭著作有關世道人心必傳無疑

北游草一卷東臯詩一卷大年堂詩集五卷雜文一卷

並王楫汝撰

匡菴集二十卷陳曾芝撰

曾芝字世
昨廩膳生

圯上草四卷陸元鼎撰

解陶錄一卷朱奇穎撰

菊隱詩選二卷陸元輔撰

菊隱詩文集二十卷陸元輔撰

樓儼曰徵君故國遺民筆下自多悽愴之致

陸時隆曰翼王湛於經通於史格律於大家講明於道其源深矣其流焉窮

王鳴盛曰嘉定六君子集五皆刊行惟菊隱集卷帙甚繁莫為刊布日就湮沒

鶴邨詩鈔二卷浦士瑋撰

士瑋字珍仲號漸菴明季諸生居白鶴江

松存遺稿三卷趙萼撰

隨齋自怡集四卷龔元侃撰

元侃字得和用圓長子明季諸生

門人趙俞曰先生賦離黍而興嗟誦匪莪而殞涕一生心事有非筆墨所能抒寫者詩特其寄托焉耳

楊軒詩草四卷龔元昉撰

元昉字得初用子廩膳生

唐彥方詩集三卷唐英撰

英原名楨烈字彥方明季諸生時升孫

柳東閣詩草二卷唐蟠撰自序

道山詩鈔四卷陳舒撰戴鑑輯并序

勤齋詩稿三卷諸士儼撰

湛菴崑山瀾溪人寓膠幾五十年學程朱學潛心端坐默識時有所得輒筆之於書久之積數十巨帙所謂勤齋考道目錄也

萍蓬草一卷時承撰自序

詩芝草一卷時炳撰侯開國序孫鈞轍鈞軾跋

澹永樓詩草二卷詞一卷文一卷王晉錫撰張宸序

晉錫

字含三諸
生居羅溪

墨狻齋自怡草二卷王日翔撰日翔字鷗氏

初蘭草二卷嚴宗撰宗字子隱

沈白日巖子客游茗雪間嘯傲湖山徜徉泉石清詞

麗句璀璨奪目洵足樹幟騷壇希風往哲

見南閣詩稿四卷陸琦撰琦字奇玉

奇玉所著別有周易述講養生編

金治彙詩稿六卷金敷典撰敷典縣學生居東鄉晚號東田老人

言志集二卷嚴恒撰恒字久持號榕齋行之子亦工書法

筠丞詩鈔二卷槎上微吟一卷並龔廉撰廉字耘睦諸生

西湖雪篷草一卷楊濬譽撰濬譽字來甫

話雨齋詩文集四卷汪來成撰

容膝齋詩稿四卷陸一諤撰一諤字毅卿居槎溪

藏霞居詩鈔五卷陳國彥撰國彥字君聖諸生工醫兼精堪輿術

嘯巖詩集二卷秦昭績撰昭績字仲山諸生

藿圃吟草三卷周人玉撰

游泐述畧二卷項思尹撰

錢介修詩草二卷錢方明撰

仙客詩函二卷曹澥撰侯良暘序

練川十景詩一卷沈祝撰

懷西詩草八卷鄭道寧撰

侯開國曰西求詩凡千首大抵適興言情而溫厚和

刻本於六義

閒居八詠一卷亦名鳧溪小草楊頴選撰頴選字玉持庠姓尹

庶咸詩稿一卷唐熙

侯開國曰熙續字生工詩擅書為西里詩家

眉目歿後遺稿不傳僅從西求雲憑選本中輯之

夢圃詩稿四卷朱樵撰自序樵字燕九

蕉窻詩草三卷朱峭撰峭字岸先諸生樵之姪

未園詩草二卷張埕撰侯棠序

蓬軒集四卷陸嘉顯撰諸士儼序嘉顯字元身號耐道人明季諸生精醫理

適菴私稿十卷朱碩撰

穀滋堂詩集五卷張凝元撰葛匡世序凝元字撫五號桐山居海州

桐山詩格在中晚唐之間

來翠樓詩草一卷魯所詹撰孫致彌選劉元棠序所詹字青岑號石齋

光被字雲石一字青岑號石齋

達公詩稿一卷龐鴻撰

侯開國曰達公詩遠宗三唐近取四傑擇持推敲幾

忘盥櫛全稿無從蹤跡今從采蘭堂二碧軒選本輯

之

晴香閣詩草不分卷汪楷撰

是編凡三刻初刻王序二刻陸時隆序三刻諸

士儼馬萬序

蛻菴詩鈔二卷張宏撰僧乙字宏字介修

蘇齋詩草四卷顧荃撰潘荇評

抱經堂詩稿四卷文稿一卷陳松齡撰馬翼序松齡字

游幕于粵

四餘詩草八卷芥軒詩存四並范逸撰

侶蜚齋詩稿八卷張慶孫撰汪琬韓荃序

懷舊詩一卷馬舒撰自序

勞安集三十卷浦鷗撰陸元輔序

范同叔詩稿六卷卽淮涇草堂詩草范超撰

白怡集二卷張濤撰濤字紫瀾號東沙

唐元夫詩鈔一卷唐裕功撰

裕功別有劍花齋草焦尾餘音欵枕吟等書

大山遺詩一卷張昭撰昭字彤右

緝寒亭詩集十卷文集四卷趙俞撰

姜宸英序畧曰趙子之學廣博奧衍於古人無所不

研究尤得力於老杜而兼綜韓白蘇諸家

駢兩閣詩集五卷詞一卷張僧乙撰

僧乙別有煮石山房稿東樂園詩

紫庭古今體詩一冊不分卷張僧乙撰戴鑑輯

樂在堂詩稿四卷孫致彌撰

未申集一卷孫致彌撰汪霏王晦序

白序曰康熙辛未春余以邑中蠲糧事株連解任就

質其冬遂下獄至明年秋九月始得免縲絏斧鑕之

餘以吟詠自遣汰而錄之爲未申集紀年也

杖左堂詩集六卷續集三卷孫致彌撰

張大受曰松坪詩才華富有格調工絕

張鵬翀曰學士詩聲調格律以盛唐爲宗而雄放揮
洒特出東坡放翁間

王鳴盛曰吾邑勝國諸先輩多以古文辭著稱鮮有
及韻語者王常宗文守正派而其詩棘塞不可讀嘉
隆以降唐叔達婁子柔李長蘅徐汝廉四先生師法
歸太僕而詩視常宗篇什稍富貞文黃先生繼之可
謂盛矣要之精力盡於古文詩特縱筆而出蓋非其
意所屬也

■本朝陸菊隱張樸村孫松坪張匠門趙

蒙泉張南華六君子者相繼出皆彬彬具體就六家
中最工莫如松坪松坪詩稿散佚雍正中張鵬翀朱
厚章得抄本于戴機家始選而刻之松坪又以書名
得董其昌筆法詩則以跌宕流逸爲長而率易亦所
不免

別花餘事詞二卷梅泚詞一卷衲琴詞一卷並孫致彌
撰門人樓儼編

樓儼曰別花餘事絕似東山東堂梅泚衲琴則旁及
於青兕而變化於樂笑翁

衡霞山人詩文集一百六十卷李聖芝撰

春帆草一卷侯開國撰吳偉業歸莊吳秋序

鳳阿山房詩集六卷樂山居士文集十卷並侯開國撰
趙俞曰鳳阿詩不爲巉巖刻峭之言亦無粗厲猛起
之氣紆徐以爲妍春容以盡致使人咏嘆淫佚而自
得於意言之表於詩六義最爲近之

寒香詩集五十三卷文集四卷朱瀚撰

瀚詩文并各種著述共編成一百三十卷

榮園集四卷李煥撰

煥字
雜文

陸元輔曰吾邑詩派自四先生後淫哇迭奏正聲漸
微猶賴有少俊如孫愷似侯大年輩以清麗之才兼
風雅之學相與起弊扶衰今又得雜文先五相爲應
和其精進不已如川方至斯道其有與乎

陶莊詩草五卷吳山詩草二卷並李燧撰

燧字先五
煥之弟

燧嘗作載菊詩同人和者甚衆才名漸起與兄煥繼
殞士林惜之

陸隴其序曰李子先五之詩或見其豔發滄鬱則以
爲其才儁也見其頓挫渾脫則以爲其法敏也見其
鴻博雄肆而不竭則以爲其學廣而思深也而皆不
足以盡李子吾之所以取李者以其品與養耳李子
少壯著書評隲諸家生不出里巷而四方名賢時招
致蒼雪樓樽酒問業絕無裘馬聲色之娛以亂其情
則其品與所養可知矣

覆瓿集六卷王度撰

張詩序曰吾友王樗園之讀書與人異日僅課數紙
反覆尋玩務得古人意旨所在片語隻字必探其幽
微究其根柢不浸灌融洽於心俾之終身不忘不止
日計不足歲計有餘自弱冠迄今合數十歲計之經
史子集四庫之書貫穿胸中無纖毫影響遺漏者而
後隨其所觸發爲歌詩如九轉之丹百鍊之金蓋儲
之富故擇之審擇之審故出之精

樗園遺詩一冊王度撰

張詩跋曰樗園一生邁世獨傲與俗寡諧終身坎軻
以一經老晚益貧寄居城東之育嬰堂不惟身外無
長物平生著作亦多散軼其僅有存者常芟繁就簡

哀輯成集名曰覆瓿屬余爲序易簣時已不知歸何
人之手矣惜哉戴南村亦樗園老友懼其泯湮聚我
兩家所有兼索諸友朋與其門弟子家共得若干首
命其子機又彙爲一帙以藏於家

齊年堂駢體文集四卷王晦撰姪暮序

補亭詩集十卷王晦撰錢塘章藻功序

王之垣曰家兄補亭之詩根乎種智成乎薰習心靈
意匠日用日新抒性情狀名物其所寄遠矣刻燭千
言如瓶瀉水七步八义蔑以過焉而無不抒軸予懷
刊削凡近飄飄凌雲

樸村文集二十四卷詩集十三卷張雲章撰

自序曰子嘗搜覽百家欲庶幾於因文見道者頗沉
浸於陽明子之書見在常薄韓歐爲文士心竊疑之
至是乃得奉教於陸先生稼書曰陽明非正學當取
朱子之書讀之時浙中諸君子篤守陽明之說與先
生辨故先生言之如此朱子之書予亦舊抄其文百
篇猶管中之一斑也因購得其大全集及語類諸書
讀之又上溯濂洛關中得聞其微言大義然後知文
之與道非有二也

陳鵬年序畧曰張子漢瞻所稱工於文者也乃自謂
此生不得聞於斯道不可以爲文而不得爲韓爲歐
非吾所病也此其所見更有超乎語言文字之外者

吾將安測其所至哉

樸村續集十卷張雲章撰

詠史詩二卷張雲章撰

摘霞小草一卷蕙洲詩餘一卷並何鈺撰張僧乙選

銚字

子堅號蕙洲諸生後入成均居婁塘里構櫺
霞軒與許潛壺馬南宮張西友輩結竹溪社

望林詩集二卷二集二卷王梓撰汪安序吳曉跋

峯秀閣詩鈔二卷歸梁撰

孟游別有纂補詩經注諸史雜抄

非園詩集六卷紀遊草二卷啗鳴集二卷並王璣撰

汪岱實曰在菴師事者受業於翼王陸徵君友事者
得力於凱似孫太史當時秬園同事暨侯子大年王

子服尹陸子維水濟濟一堂講業之暇迭唱更和極
人文師友之勝格律得正始元音不落衰輓窠臼上
谷記原研德深相嘉予其所宗支派蓋本於此

非園詞集二卷非園草木詞二卷王璣撰

徐杏輔曰在菴宿稱詞壇雄帥豪邁絕倫罄胃疾掃
真不愧三十年來梨花鎗手

非園文集二十卷王璣撰

非園集二卷王璣撰嘉慶二年重刊

王燕緒曰非園集刻于康熙間未及流播而歿板毀
于火欲覓印本之全者亦不可得越百餘年非園之
孫竹所哀集而次敘之雖管內一斑亦足想見全豹

忍菴集二卷黃與堅撰

鹿樵生詩草三卷朱昂撰

貽續堂詩集十卷顏鑄撰

日菴詩選三卷顏鑄撰

張鵬翀序曰顏先生日菴居城西杜門掃軌終日危
坐酒一壺書一卷上下古今穿穴經史遇有會心浮
白以澆之兀然微醉莞爾長吟詩成命小胥掌錄焉
僅竹草堂集四卷顏鑄撰

墨井詩鈔二卷畫跋一卷吳歷撰張鵬翀跋門人陸道

淮跋

還讀齋詩文稿五卷秦偕撰

偕字彥超號硯亭
廩膳生居東城

彥超詩尚有硯亭集錦鳩草

醉春堂小草二卷莊威撰吳琪佩序

威字子重詩子

凝翠閣文稿二卷鄭觀袞撰

觀袞字樊補太學生

西崑集二卷汪岱實撰

岱實著作繁富刻板稿帙零落已作爨薪抄存者有

見三石門西崑三集楚江武陵紅蘭金陵四草黃峴

山樵乙未二稿又頌聖詩築山詩倚劍吟及詩餘一

卷總名之曰石門詩鈔

詠齋詩文集一百二十卷吳旦震撰

旦震字坦士

旦震十餘歲即與同里柯价李燧等刻倡和集其詩

文集以地支為次每集十卷

乾惕軒詩草二卷龔穗纈撰

穗纈字瑞年元侃長子

三餘堂稿四卷范光斗撰

光斗字喬年號良寓居良涇

綠緣山人詩草三卷王宗濂撰

南村詩選二卷詞選二卷戴鑑撰張雲章王輔銘沈德

潛朱厚章序

跨下草一卷薄游小草一卷且息機草一卷坐愁城草

一卷歷下吟草一卷並戴鑑撰

陳玉潤詩稿三卷

玉潤松齡弟

匠門詩文集三十卷張大受撰

萬翠軒詩稿六卷陸寧撰唐孫華序

寧字德施

希古堂詩文集十卷李安世撰

朱宣平遺詩一卷朱泓撰孫致彌序泓字宣平新安籍

商山集二卷趙錄撰自序錄字介熙居邑之曲江

秋山小草一卷補遺一卷秋山近草一卷並張士琦撰

士琦詩草其兄大受選而序之共四百餘首然曝書

亭集載有士琦聯句數首而集中俱未錄入知其刪

棄者尙多也

竹齋雜著一卷五撰開五字西來居安亭江康熙間崑山籍諸生

南槎詩草二卷陸洪恩撰洪恩字屯侯

孝友堂文集六卷詩集二卷張詩撰從姪鵬翀序

芝齋文集六卷詩集二卷秦立撰

王宗濉序曰雲津所作大都本之震川而又出入於

廬陵南豐之間

存養塵文集八卷錢民撰

雲清閣詩稿三卷侯棠撰

悔吟餘稿十二卷封毓秀撰陸元鼎序毓秀字漢光諸生居馬陸村

何定揚詩稿一卷何元遜撰元遜字長子職監生

率性草四卷唐鈺撰鈺字式如號西塘諸生居

堅齋集五卷陳邁撰張鵬翀選諸士儼有序邁字子敬

邁全集詩三卷文一卷雜著二卷日記四卷附其母

病餘草一卷

覆瓿初刻不分卷張蔚錦撰俞嘉客潘鍾阜序蔚錦字簡亭貢

生

對雲樓詩一卷寄暢園詩一卷並侯永撰王敬銘序

世美堂稿三卷附范眉山年譜一卷顧佳曾撰

佇興集二卷王慮撰沈受宏序

慮後更名恪

長留詩集十卷王恪撰

沈起元序曰蕙帶嘉定名家子也少贅於我家從先君子學居於婁遂領婁士之衷吾婁之詩前明袁安道先生極精微徐昌穀王弇州諸公先後稱雄皆溯源漢魏六朝以及三唐蓋其盛矣自梅村以少年高第驟領詞壇未及深探遠索而其才華典贍專學中唐已足以陵轍時流後來婁東十子如九十惟夏汲園諸公亦皆以近體擅長取材於選取法於唐則近

百年來吾婁諸老之立論也獨蕙帶以爲學古人而襲其貌何如棄其貌而取其精於是與王小山顧玉停諸君結詩社唱和率爲古詩不專於律蕙帶精力沈摯於漢魏以來數十家間諸大家名家詩集一一研討得其勝致其爲詩造幽詣微剗肝刻腎巧奪化工而神骨自完盡洗鉛華而古藻獨發不啻聚蘇李陶謝陰何庾鮑諸詩人於一堂而揖讓其間也吾婁之詩殆於是乎一變

沈德潛曰愚于爲台臣先生女夫指授旣正而筆力清剛一空時下纖穠之習觀詩集命名知其自信者素矣

蘇嘯軒文集十二卷王恪撰

蕙纓詞一卷王恪撰

如齋吟稿二卷王輔銘撰

唐孫華序曰如齋詩脫去凡近吐故取新曲而不晦麗而能逸

澄簡堂詩刪一卷文刪一卷陸劬撰沈元祿選序張陳

典序蔣日照述畧劬字樗似諸生敏行孫

簪花樓四六不分卷顧瑞麟撰鄂爾泰序

上黨襍咏二卷唐焯撰焯字薇衡考授州同貞一父

張雲章序曰薇衡踵三易之家學其詩清婉流麗音

節諧美

焯尚有蜀道吟紀游編信筆錄

未巖詩錄十二卷曼衍雜存十二卷首悔存集次繡佛

山房檀西芾齋雙藤寓齋日舫寓齋容齋瑗知花玉寓

棉南州每懷馴象塞雲和陶憶得續憶等集並王敬銘

撰

益山小草一卷侯旭撰

笏峰詩草一卷聊厚軒詩草一卷並陸縉撰

秦立曰縉有雋才詩文信口皆有趣味又精于法律

督撫交聘入幕鄂西林巡撫廣西開闢苗疆皆其贊

襄力也

硯齋小草一卷蔡辰撰張鵬翀序

辰字天炳諸生留心文獻嘗修邑志

三餘詩集三卷文集三卷續詩集四卷續文集三卷雜著五卷別集十五卷秦倬撰

萍遊草三卷鷗侶軒稿三卷戊申詩二卷雪岑詩選四

卷並李禔撰禔字紫逢原名異字次馮聖芝子游幕半天下歿于西湖葛嶺

閱史紀詠二卷項董桂撰自序董桂字韵川諸生思尹子

月悔草八卷黃裳撰秦大成編裳木姓蔡字上衣又字集美居大場

裳詩寒瘦近郊島而刻畫生新又似放翁

織簾居士集四卷沈王士撰王士字寧文諸生

晚晴軒率意稿四卷王新銘撰新銘字浣思號幻園邑庠生

學庭吟稿四卷程遜修撰遜修字敏來附監生

得聞小草三卷何霆撰霆字天錫

拙巢咏物詩一卷江剡撰顧嗣立序剡字東山號拙巢諸生居槎溪

自知草二卷留已散人詩鈔三卷並沈推撰

南華山人詩鈔十六卷分海螺楚游紀游北游春歸使

滇鶴天接葉亭清真倡訓奉使紀恩消寒等集張鵬翀

撰

黃叔琳日讀南華紀游詩如千巖萬壑獻奇貢秀置

身罽襍之區采神草之葳蕤且沃以靈泉而塵襟俗

慮之胥捐也

南華山人雙清閣詩鈔六卷卷首御製詩卷一進皇

詩稿卷二廣韻集卷三金蓮榮遇集卷四傳宣集卷五

雙清集卷六雙清閣集張鵬翀撰

門人馬榮祖後序曰南華先生之詩不趨險僻不尙
纖靡洪爐默運姤女競飛陶鑄精能萬象畢現當其
興會儻舉膚寸雲生觸石旋合鬼神運肘虬龍攫拏
其清冷秀拔脫口玉笑寒月窺潭天半峩眉楸魂獨
語其壯浪縱恣則午夜然犀百怪駭顧海濤一瞬萬
里帆回其夷猶閒止如春苞着雨五色旋成靜女深
宵剪刀聲斷其莊嚴鉅麗如鮫綃海市非復人間若
木朝曦光射雲錦其酣嬉疎放如田家作社爛漫留
賓天末故人班荆歎曲至或猝當大敵險韻疊賡百
賦千詩應聲立就則有若漁陽三搗禰衡蹀躞陰平
疋絕鄧艾繼兵檀溪阻深的盧飛躍巧匠縮手四座
盡驚先生譚諧間作超乘彌雄三入三出氣猶初鼓
方其伸紙蘸墨漫若弗思比閣筆諦視老於詩律者
竟不能點窺一字怪矣哉古未有也

雙清閣文鈔八卷張鵬翀撰

多師集八卷朱厚章撰張雲章沈德潛序閒窻偶吟一

卷張陳典撰

西巖雜鈔一卷貯瓢小草一卷並時鈞轍撰蔡辰序

十一硯山房詩鈔十一卷分小松選曹奉使中州嶺西

冰蘂朝天歐江政暇江潭嶺南頤齡等集金洪鈗撰

野菴詩鈔五卷翡翠蘭茗集五卷排悶集四卷並金惟

駿撰朱厚章沈德潛序

張鵬翀曰昂千詩清才雋思語必拔俗

閒樓小草八卷續草三卷王鈞撰張鵬翀序金与舜陶諸生居婁

塘與姪受恒同居相酬唱

吾友于齋詩鈔二十卷張錫爵撰原刻張雲章序重刻

沈德潛高不騫序

王昶曰擔伯詩中矩中規宜風宜雅

錫爵先梓五十歲以前作蒼老雄健則不足淵雅靜

正則有餘論者謂其亞於南華高於蕪亭晚年力追

漢魏盛唐深悔舊作手自刪存與散體文並付梓未

竟而卒

純閒文鈔二十卷張錫爵撰王鳴盛序

西橋詩鈔二卷施封宗撰

封宗字修桐臨海三子居羅溪

如舟亭文集八卷詩集十二卷趙銘撰張鵬翀序

桃花菴倡和稿一卷印瞿楠撰

瞿楠本姓印字于蕃雍正已酉上海籍中式

西邨集四卷衛爾毅撰嚴翼序

爾毅字書年諸生

米堆山人文鈔十六卷張揆方撰邑令劉其旋序

米堆山人詩鈔十六卷張揆方撰

漱篁文稿四卷侯肇基撰

肇基諸生永子與修邑志

燕喜樓餘課五卷金集撰王吉武跋

集字鳳坡附貢生桐鄉籍居羅溪

迂齋學吟二卷王受恒撰張揆方序

南樓詩稿一卷張志和撰

志和字孟青監生

匏菴詩文稿八卷王元令撰

紅杏山房詩集四卷王元會撰

雪鴻咏二卷胡虬撰潘應龍序

虬居婁塘

信齋文集四卷秦藻撰

南里雜詠四卷王孚洛撰

孚洛字潤九諸生居槎溪

百花詩二卷王世樞撰并箋註自序

貞陽遺稿一卷何振緒撰

振緒字紹鴻自號貞陽子鉅孫精醫理

嘉樹園詩文集十二卷葉昱撰

百川吟稿三卷詩餘一卷張學海撰

學海字王美諸生

醒齋詩稿六卷王貽本撰自題槐青閣燕語

貽本字書原有香父

夢花草廬吟餘偶集三卷張學裴撰

學裴字小山諸生士琦孫

芝巖詩鈔一卷周顯撰

敬道字岸先

有蘭書屋存稿四卷石球撰王爾達葉昱序

球字鳴虞諸生

訥齋吟稿二卷張德淳撰張學海浦鯤劉江序

德淳字嘉徵

詠物詩八卷趙丕烈撰韋謙恒序

觀雲樓文存三卷續文存三卷詩鈔十卷李夢聰撰

蘭谷山房吟稿四卷陸炳豹撰

炳豹字冠文諸生大名父

琇怡詩集六卷程元音撰

元音字天樂諸生

陽初吟稿四卷秦兆焯撰兄藻序

惺齋吟稿五卷金鳳綸撰

槐眉山房吟稿六卷駢體文四卷金鳳綸撰

曲臺散稿日下集一卷竹素園詩三卷王鳴盛撰沈德

潛序

西莊始存稿三十卷謝橋詞一卷並王鳴盛撰門人蕭芝序

西泚居士詩文集四十卷王鳴盛撰

錢大昕曰西泚蚤歲論詩溯原漢魏六朝宗仰盛唐中年稍變化出入香山東坡晚年獨愛李義山謂少陵以後一人前後吟詠甚富手自刪定為二十四卷王琴德謂其以才輔學以韻達情粹然正始之音非虛僑恃氣者所及古文十六卷紆徐醇厚用歐曾之法闡許鄭之學一時推為巨手

王昶曰禮堂古文宗曾巖震川詩兼綜三唐初為沈

文愨公入室弟子既而旁涉宋人歸田後復守前說於空峒大復鳳洲臥子及漁洋竹垞咸服膺無間故雖轉益多師終歸大雅

吾土軒詩集二卷程宗傳撰

宗傳字悅嚴監生

陸公廬詩稿二卷程宗俊撰

宗俊字恬士庠生

金屋山房詩集十二卷林大中撰

潛研堂詩集十卷續集十卷錢大昕撰自序弟大昭序王昶曰竹汀詩清而能醇質而有法

潛研堂文集五十卷錢大昕撰

段玉裁序曰錢曉徵先生始以辭章鳴一時既乃研精經史因文見道於經文之外誤經義之聚訟而難

決者皆能剖析源流凡文字音韻訓詁之精微地理之沿革歷代官制之體例氏族之流派古人姓字里居官爵事實年齒之紛繁古今石刻篆隸可訂六書故實可裨史傳者以及古九章筭術自漢迄今中西麻法無不瞭如指掌至於累朝人物之賢奸行事之是非疑似難明者大典章制度昔人不能明斷其當否者皆確有定見蓋先生致知格物之功可謂深矣夫自古儒林能以一藝成名罕合衆藝而精之者若先生於儒者應有之藝無弗習無弗精其學固一軌於正不參以老佛功利之言其文尤非好古文以自雄壇坫者比也中有所見隨意抒寫而皆經史之精液其理明故語無鶻突其氣和故貌不矜張其書味深故條鬯而無好盡之失法古而無摹仿之痕辨論而無踴囂攘袂之習淳古澹泊非必不求工俾學者由是以漸通經史焉可也

習菴詩集二卷曹仁虎撰

仁虎之詩其少年所作早刻於吳中七子流布八而全集未傳於世歲丁未卒於粵東官解其遺文頗多散失斯二卷乃吉光之片羽也

王昶曰來殷詩初宗四傑七言長篇風華雋麗壯而浸淫於杜韓蘇陸下逮元好問高啟何景明陳子龍及王士禎朱彝尊諸公橫空排界才力富有七律尤

高辛工整獨出冠時

韓詔集六卷排律詩曹仁虎撰

孫士毅序曰是編皆鄉會場及試考官並散館六考經進之篇而益以教習七科庶常之擬作數典切擇言雅體物瀏亮指事精密

鳴春集四卷曹仁虎撰後附二十四氣七十二候攷

刻燭集一卷炙硯集一卷並曹仁虎撰

吳玉綸序曰戊戌孟冬曹春坊習菴出燭集示余蓋自甲申至丙戌與同人京邸聯句作也

錢大昕序曰炙硯集者習菴先生與其同年友為消寒會相與酬和之作也

仁虎所著又有分磚評花伊人擊壤宛委山房春榮瑤華唱和等集及秦中雜不總名詠典堂集

冬榮齋詩集二卷春暉堂文集四卷秦大成撰

陸舟居詩稿二卷賦稿二卷並張令侯撰令侯字廷實廩監生陳典

季子精政

湖游草一卷汪廷椿撰姜森序廷椿字慶南諸生居槎溪

鶴巢吟稿一卷陸授詩撰

燕臺稿一卷豫游稿一卷停雲稿一卷並陸遵書撰

遊書別有七十二峰考得岑館畫跋

山房吟稿二卷汪大猷撰

文集六卷詩集四卷諸廷槐撰

玉函堂集四卷汪鶴齡撰王元勳序

陶春館詩文集十二卷汪照撰

易圃詩鈔二十四卷續編六卷歸田吟稿一卷並王元

勳撰

錢塘序曰叔華幼時已能成章既長遂有聲自吳之
楚之滇之黔歸而之京師所作日盛以工大要清峻
雄肆傑然拔出於一時有者其平日持論恥規規前
人而期獨造以成一家之作是以所就遽如此

吳省蘭曰易圃所著有東溟草閣初稿擬古小樂府
秋蓬吟稿春水廬稿及北平碣石古椿晚紅索米看
花望嶽關里鄉嬛館諸集卷帙之富與敬業堂相埒

摩金叢稿六卷王元勳撰

東山祝嘏九成樂曲九卷王初桐撰

乾隆五十五年恭逢

八旬萬壽

聖駕東巡

巡撫長麟委擬獻

壽迎

鑿大戲九齣繕摺

進呈

御覽遂演之於

行宮

白門集二卷金臺集

卷海右集四卷十二河山集二

卷並王初桐撰

阮元曰竹所詩凡三變初喜穠麗往往近三十六體
旋歸澹靜則得力於王孟韋柳四子為多繼而沉酣
典籍排纘等身復以卷軸之華發沉鬱之致駸駸乎
入杜陵之室矣

濟南竹枝詞一卷王初桐撰

王昶序曰竹所濟南竹枝詞一百首風流蘊藉得縹緲之餘音不徒備歷城掌故試取王季木齊音百詠校之北秀南能誰是真如妙諦必有能參破之者阮元序曰王子竹所吏隱多暇製竹枝詞百首搜奇采逸徧及羣書才調清和觸手成趣真所謂裁雲縫月之妙手敲金戛玉之奇聲也

百花吟一卷王初桐撰

孫星衍序曰嚙豎山人博學工詩所著百花吟一百首才情雄麗格調清蒼詠物詩以大家氣行之身世之感感賦百首於意言之外豈人補頌之遺音也

杯湖欵乃三卷杏花村杏趣一卷選聲集二卷並王初桐撰

阮元序詞人之作小令以五代十國爲宗守其派者有晏氏父子歐陽公張先秦觀賀鑄毛滂諸人慢曲以清真白石爲宗沿其流者有吳文英張炎盧祖阜高觀國王沂孫周密蔣捷陳允衡諸人自元明以來傳染草堂結習而花間集樂府雅詞絕妙好詞之遺意莫或窺尋無怪乎詞學之不振也王子竹所深於詞三十年前卽以之名大江南北茲復手自刪訂掃去骯髒從俗之作其所存者小令則寓穠纖於簡厚慢曲乃如溪流瀲風波紋自行而冷光翠色一望演

漾不可盡蓋於四聲二十八調中獨得唐宋人精髓
深於此者乃知其為必傳也

劉錫嘏曰竹所詞名海內一時無兩

王鳴盛曰詞之為道甚深大約只一細字盡之我姪
竹所才華豔發筆陣縱橫情思旖旎固已極才人之
能事而又細入苗髮故能登石帚之堂入玉田之室
風流婉約無愧真風雅卓然傳世無疑

古香堂文藪十二卷梅西尺牘三卷並王初桐撰

可菊山房稿二卷王錦濤撰

戲鷗居詩集三十卷齊音續詠二卷並毛大瀛撰

茂園詩鈔四卷卽照撰

進篋山房詩鈔三卷張璉撰

璉字器之諸生
曾孫工畫山水

禮傳堂文稿八卷王鳴韶撰

覆瓿集二卷程鏡撰王鳴盛序

鏡字葆光增生
號二歐工書法

鴻音集四卷嚴翼撰

四益齋詩三卷默耕齋吟稿一卷並錢塘撰

述古錄二卷錢塘撰

此書改正經籍中大疑竇于律呂推步尤精

耘堂吟稿六卷王夢獅撰邑令杜念曾序

夢獅庠名珏
孫字合輝

夢獅別有懷古榆蔭遺春消暑四集皆詠史詩也

扇古詩鈔二卷趙曉榮撰

翠齋駢體文集六卷趙曉榮撰

李世望曰屬古四六媲美陳其年吳園次

苔岑集二卷趙曉榮撰王鳴盛序

夢餘草堂詩集四卷張文謬撰

文謬字硯廉號芝亭職監生

臥漁吟草四卷徐諤臣著張彥曾序

諤臣字冠干本姓樂監生精岐黃

虛谷詩鈔二卷趙國榮撰

賜衣樓詩草二卷俞榕撰王鳴盛秦大成序

閔字沈甫

雪鴻廬存稿六卷白雉村遺愁詞一卷並吳閔撰

原名王田字右箴號香巖諸生

十國官詞五卷吳閔撰

錢大昕序曰十國之事歐史既畧其軼時見於稗乘

詩話諸家文集而文人津逮未有託諸吟詠者曩歲

汪少山王易圃林厚堂諸雪堂玉竹所分賦官詞每

國十二首合一百二十首業流布人口茲吳君香巖

舉而盡賦之并以所采書籍分注其下攷證異同辨

論精審洵足為薛歐之功臣劉吳之益友也

澹遠山房詩鈔二卷陳曦撰

紆軒集杜詩二十卷集杜詞一卷陳曦撰王初桐序

集李集二卷陳曦撰錢大昕序

聽春雨樓詩稿四卷賦稿一卷張允武撰王鳴盛序

讀書廬詩文集十卷秦巖玉撰

海村詩草八卷申成基撰林大中陸遵書序

成基字西榮

門人時銘曰先生居清鏡塘上老屋數椽苦吟見志

五古恬淡曠適近體亦和平大雅處困嗇而無郊島之態

蝸廬詩草十卷梅嶺詩草六卷春也堂詩餘四卷周若

霖撰若霖字惠中號雨巖廩貢生

十蘭駢體文二卷金鳳玉笙詩二卷並錢坫撰

香布詩鈔二十卷時起荃撰

宿雲軒詩稿二卷詞稿一卷張光撰王初桐序

漱泉詩鈔二卷嚴錫保撰

蘭雪吟稿一卷金鴻撰門人王進祖序鴻字投達

聽鐘集二卷金仁懷撰仁懷本姓王字在復號晴巖諸生王震之孫

崧菴詩鈔六卷曾煜撰錢塘序

西域詩鈔一卷莊銓撰銓字陸慶號研香

綠雨山房吟稿十二卷金慰祖撰自序

雪樵吟稿三卷湯文雋撰

研鈍齋詩稿四卷張鏗華撰鏗華字省鐘號磊亭諸生陳典孫

蠹餘草二卷陸焜撰焜字漸之號亦亭諸生槎溪人

蕙田詩稿四卷俞大棠撰

西岡詩草十卷時彥英撰

畏人小築吟稿四卷王有香撰

香雪山房吟鈔二卷沈誠撰誠字秉虔技貢生

竹隱詩鈔四卷張謐撰謐字靜齋崑山人

鶴孫詩稿二卷王鶴孫撰鶴孫字德敷監生

懋題山房詩集二卷王夢蘭撰從叔初桐序

竹莊詩草四卷金燾撰王初桐序

播琴詩鈔二卷王保初撰保初字醇伯邑庠生

信園詩稿四卷王英煥撰從叔初桐序英煥字衣聞監生

魚淩莊吟稿四卷趙書撰書字奕庭號滄螺

省齋文稿一卷詩稿一卷徐春和撰

蓉峯詩草六卷咏史詩二卷並姚江撰江字元功諸生世轉醫業

山邨子文稿四卷雪坪詩草八卷詞一卷並毛際盛撰

研卿別詠四卷王晉升撰顧問序

深柳居詩文集六卷陳詩庭撰錢儀吉序

樓葱小草一卷鮑景顏撰

農聞菴詩鈔四卷張彥曾撰劉寰之阮元序

攜雪山房吟稿二卷程廷浩撰廷浩字鉅揚職監生

錢大昕序曰霞江生李檀園之鄉書法吟格一以檀

為師

越吟草四卷朱勳撰勳字懋常號美堂

樂石山房詩稿八卷王述祖撰李賡芸序

趨庭吟稿四卷王進祖撰

香雪詩草十卷時銘撰

蔚山吟草四卷陳珪撰珪字位三諸生

閑齋詩初稿四卷諸仁煦撰

雪帆詩鈔二卷王大晉撰大晉字錫蕃

南村小稿一卷王大儀撰大儀字敬之監生

曇影集一卷張淦撰張彥曾序淦字豫江號佛泉

齊語一卷曇香集一卷並王思永撰

漱塘詩稿一卷莊式夏撰式夏字禹門諸生

澹遠樓題畫詩一卷莊伊齡撰伊齡字聘三式夏弟善繪事

南村詩文集二十四卷僧陶然撰陶然字浩存

雨軒集八卷僧溥洽撰

再生餘事一卷姚媯俞撰

炙香集一卷張上慧撰上慧陳邁繼室

松筠小草七卷益山閣詞鈔一卷並侯承恩撰兄銓編

張詩序

侯開國曰閨媛思谷余族兄始旦之愛女也我家諸

母氏皆有遺稿載入詩綜紅蕉諸集思谷可以繼美

前徽香奩增色

翠羅居詩稿一卷姚氏撰姚氏王紱妻

蕙窻寫意草一卷王珩撰

繡餘詞草二卷葉宏緇撰王喆生序宏緇字書城崑山人嘉定諸生闕敷

室在

剪燈吟一卷汪嘉淑撰嘉淑金集妻

飛霞閣題畫詩三畫跋一卷孔素瑛撰

繡餘草一卷印白蘭撰董教增序

柳絮集一卷李湘芝撰

阮元序曰巵整山人官齊河其姬人隴西君性慧工詩有柳絮集君沛南歷下人也其李易安之續耶姓

同里同而學亦畧能同

宋李清照居柳絮泉為七十二泉之一

許寶善曰柳絮集之詩原本玉谿生兼仿王司馬宮詞體精工穠麗錯綵鏤金刻露風流而旨歸於雅正

吹蘭詩草四卷吳若雲撰

王元勳曰毛公吳夫人四德咸備詩才特其餘事

紅餘吟一卷香楸小草二卷吳鳳儀撰

繡餘吟賸稿一卷俞淑貞撰

張鑑華曰淑貞俞榕女讀斷腸集愛朱淑貞之才即

以自名

莊貞女遺稿一卷莊玉清撰

桂馨樓吟草二卷王霞明撰

霞明字曉餐婁東人邑諸生秦長治繼室

練音七卷翟校輯

校采邑人詩自宋天聖迄明宏治彙為此書并志其人之各位事蹟數百年之文獻得有所考

蘇融曰校輯練音缺建文一朝而獨載自詠遼國守節諸臣詩當是時靖難之禁令未弛值劉瑾江彬相繼煽亂以草野而錄是編特以已詩補其缺亦可想見其志之所尚已

南翔寺文錄二卷釋文宗編都穆序

此書邑志不載近地一無留存汪照游浙於范氏天

一閣得之以歸乾隆甲午重梓

天絢集二百卷歸子顧編

選歷代詩文

嘉定集八卷侯炯曾輯

過日詩選八十卷三泰際輯

陸時隆曰內三輯古今詩始自漢魏迄於本朝凡八十卷手書小楷歲以酒酌之如賈島故事

續練音二十卷蘇融輯

吳嚶文獻一百卷朱子素輯

子素與友人書曰吳嚶文獻分前後編前編徵文後編徵獻徵文者以文從事始於宋之創縣卒於明之

崇禎凡有關於邑人分類而入徵獻者以文從人則各因作者之詩文而排續之始於國初王徵士終於乙酉殉難諸公多者大篇廣幅少者殘章剩句其人姓氏仍各系本末如小傳吾邑文派出自崑山前平四先生時如傅元凱之材畧張茂仁之經綸潘子實之理學龔子完之政化皆熙甫入室弟子今讀其遺文軼稿如覩熙甫而湮沒無傳莫有知爲歸氏之學者以此汲汲焉心摹手追而并不能無遺憾於婁唐諸公也

陸時隆曰子素此書未及梓而亡或以漕折優免姓氏之載在碑石者磨滅更換而子素猶存其原本惡

其妨已而并去之書遂不全聞者憾之

歲寒行樂詩一卷朱奇穎王泰際等九人

方瓢小箋一卷張懿實輯懿實字德符諸生

前列侯沔方瓢記餘皆名人題咏方瓢在虬江懿實

隱居於此

客膠詩草一卷趙澧與侯秬園王研存等唱和之詩澧字

山子吳江人

十二代詩吟解集八十卷汪楷輯

尹綠樓傳詩錄一百二十卷初名吳膠詩鈔侯開國輯

明志堂倡和詩一卷陸元鼎與朱瀚之作張揆方序

詒翼堂集十卷

王揆序曰此金氏一家之詩文也孝廉豫石公詩一

卷都事子魚公文三卷爾宗詩三卷懷節詩二卷南

美詩一卷五世之家集備於此豫石名大有子魚名兆登爾宗名德開懷

節名起士集名鵬化草蘭揚草附樂府南美名塾集名貞恒草

東岡詩集四卷陳瑚序

諸士儼講學于東岡與何雍朱樵等倡酬之作

西園唱和詩一卷趙澧序

西園為張道協所居唱和者陳瑚陸元輔等五十人

同善詩鈔一卷同人唱和詩汪价序

金渭師卜葬孫石父子孟孟陽墓旁并為孟陽曾孫

聘石父孫女為室石父子孟陽愛婿也同人皆高其誼

朝鮮采風錄三卷孫致彌輯

唐詩臆選四卷唐焜編自序

歷朝詩選十二卷朱昂輯侯榮校

臨江唱和集六卷

沈宗敬序曰梅原叔氏庸翁寄其與臨江諸子唱和

詩及朱子石渠曹子磊齋陳子松年錢子綏臣姚子

辛尹詩各一卷庸翁各白松江人集曰臨江唱和石渠各集曰春及園詩磊齋各鳴霄

松江人集曰客游詩草松年各棟崑山人集曰百尺樓詩綏臣各嘉猷集曰就閑居詩莘尹各三聘集曰

清風室詩

二家詩選八卷樓儼序

張南華手定張銘今體詩二卷詩餘二卷曰紫庭詩

選王度古今體詩四卷曰榜園詩選戴范雲募貲雕

板題曰二家詩選

張氏一家言八卷張詩編

自跋甲子秋偶檢故篋得先世遺文若干卷漫漶磨

滅幾成蠹粉是用補其殘缺正其訛謬自營繕職方

兩贈公起迄先子惜菴公止片紙隻字不敢遺失手

自繕寫彙成一集顏曰張氏一家

明練音續集十二卷練音集補七卷 國朝練音集十

二卷並王輔銘輯張雲章張鳴獅序

陳詩古光集六卷蔡辰選張大受陸縉秦立序

心逸堂詩草三卷卷一錢曦撰卷二錢文撰卷三錢唐

撰職字旭彩諸生文字閣公
暖子唐字晉斐監生職孫

歷朝文選二十四卷詩選二十四卷詞選六卷秦倬輯
吳嘒文徵一百卷詩徵一百卷吳嘒文鈔五十卷詩鈔
五十卷並俞鑄輯

張陳典序曰俞子哀集嘉定創縣以來詩文之有關
典故者各日文徵詩徵上下五百年間一邑之文獻
燦然畢備別有文鈔詩鈔

賜書樓九世詩文錄四十卷張經畚編

始張禎終張鵬紳凡三十六家并閨媛十二家

羅浮吟一卷張陳典時鈞轍撰

練川五家詩十一卷王鳴盛選沈德潛序

王鳴盛序曰十二家者林子協君顧子金祥諸子殿
掄印子滙宗張子僖若汪子綉青錢子學淵毛子又
萇張子孝則其三人則余弟鶴谿再從姪叔華耿仲
也

練川五家詞五卷青浦王昶選王丕烈杯湖欵乃羹天
閣琴趣雲藍詞諸廷槐蝶菴詞吹蘭卮語王元勳樵玉
山房詞涉江詞幻花別集汪景龍月香綺業美人香草
詞碧雲詞錢塘響山閣詞玉葉詞

王昶序曰予家柳上距練川不二舍風帆一宿可至
猶憶未通籍時常往來焉得盡識其才人鉅儒於時
叔華殿掄綉青禹美諸君子方以詩歌相角逐獨無

言偷聲減字跌宕於紅牙檀板間比數年無言之詞
益富且工諸君子吟詠之餘亦溢爲詞章雖所造各
出其奇而綺不入靡琢不傷巧亦可謂異曲同工迭
奏而不相奪倫者矣

十國宮詞二卷五人拈闌分賦汪景龍得吳南唐王元
勳得前蜀後蜀諸廷槐得南漢楚林大中得吳越閩王
丕烈得荆南北漢每國十二首共一百二十首毛詩正
徧和之趙曉榮范雲鵬序

續宋文鑑八十卷王鳴盛編

練雅一百卷林大中輯

大中輯練雅以練音爲本而推廣之歷五十年而成

得詩人九百九十有奇詩一萬一千首有奇搜羅詳
盡決擇精當每人名下各綴小傳詩話使閱者瞭然
厥功偉矣

倚聲權輿錄二十卷王初桐輯

此書仿馮惟訥古詩紀梅鼎祚古樂苑之例爲之宋
以前之詞不遺一字一句而又博采羣書中議論以
證之畧識四聲二十八調所由之大概此如探河源
者火敦腦兒瞭然在目溯江源者濫觴岷山而潯陽
九派悉基之矣

續玉臺新詠二十四卷汪照輯

宋詩畧十八卷汪照姚堦同輯王鳴盛序

王昶曰翊青宋詩畧決擇精當

王氏詩畧二十四卷王初桐編

自北宋文正公至今共計六十六家

江南風雅三卷朱春生趙曉榮同輯

時序詩精選四卷王珠輯

明詩淒婉集六卷時起荃輯自序

長笛滄波集二卷十八家合刻汪景龍序

宋人詩錄六十四卷時銘輯

槎浦四子詩選四卷王鳴盛序

四子者程子廷浩字鉅揚程子芝筠字紫堂諸子玉

衡字星五李子景董字學醇

三槎風雅六卷朱掄英輯萬承風序

平蕪館雅集詩二卷張大有編錢大昭序

嘉慶己巳春廬江孫匯鼓琴館中諸詞人咸作詩紀

之

上谷聞秀集五卷合刻夏淑吉盛韞貞章有涓審若生
侯綦宜之詩各自爲卷

夏淑吉有龍隱遺稿章有涓有燕喜樓草淑清遺草

盛蘊貞有寄笠零稿審若生有春暉詩草侯綦宜有

宜春閣草

余邑侯惠政錄記惠政二十四條邑人惠政詩一卷徐

文元黃初緒趙洪範序

思園贈言二冊陳鵬年序

羅溪范光啟之父若弟同遇害於乙酉之兵光啟卽於其地構思園以表不匱之思一時贈言成帙彙而刻之

公歸集三卷知縣陸隴其去任紳士作詩送之陳紹馨彙輯成編

練川贈言一冊同人分賦吳中古蹟送筠公禪師尤侗序

孝善同聲錄二卷皆投贈孝子顧士臣之詩文

海圻謠唱和集四卷原唱知縣王樸和者幾二百人

永懷集二卷邑紳士詩送知縣王樸孫致彌時圻授序

憫冤錄詩二卷文一卷爲朱孝子羽吉作

嶠城輿誦一卷嘉定許自俊等五十餘人爲余中丞作典裘歌

戴德錄一冊雍正三年彙刻趙邑侯向奎德政詩張雲章序

流愛集三卷補編一卷邑侯傅作霖去任邑人彙刻送行詩文王鳴盛秦大成錢大昕序

陶菴評點李長吉集四卷外集一卷金惟駿校刻

世詩解意二十二卷辨贗一卷闕疑二卷朱瀚輯

蘇文箋注四卷朱瀚輯

蘇詩集論釋九卷年譜一卷張陳典輯

典自記云此余在康熙戊子巳丑間周寒溪招往松江與方扶南共爲箋釋者寒溪名彛

恭注

聖祖仁皇帝 御製七詢崑山縣教諭 臣王世樞謹擬

陳檢討詩集箋注 卷王世樞撰

賦蹟一卷金鳳綬撰

有懷堂詩箋六卷殷翊撰自序 翊字天襄

精華錄箋注正誤一卷殷翊撰

敬業堂集箋注五十卷張允武撰

允武注查詩二十年始成與查注蘇詩同一詳核

存目

龔昱樂閒格言崑山雜詠 吳惟信菊譚集 張天永

雪蓬行稿溝亭集 强珥嘉樹堂稿 黃鈺遜菴詩稿

翟均是簡易錄 金文徵龍門山人集長安集 顧

文煜蔗境吟稿 字光遠洪武初辟爲龍陽知州 張濂筠窗錄 龐應

龍魚齋詩稿 字子羽居安亭 王槐斲苓餘稿 鄭閔味易餘

吟江漢吟 浦泉雞窻筆錄練川志稿日歷紀聞浦東

白集 范純倦還錄 周璇草堂詩集 湯珍湯廸功

集 陳攷軍政條例 陳述農桑風化錄靜軒集辨疑

錄恤刑錄 張應文巢居小稿 李良樗軒集 王春

樗散集 字景元成化庚子舉人 翟孔仁正韻對聯頤貞集 楊

山忍讀齋稿 沈炤東溟稿巡閩錄 徐恂芸窻錄嶠

志隨意集清風祠錄 印佐滄洲遺稿 沈齡練塘吟

草 浦宏全陝政要錄 徐琦謙齋集 印文質軒集

殷道復西莊集 封澂點菴遺稿字太淵 李先芳諫

垣疏草 唐春良方祕括傷寒百問 何選西臺諫草

筮仕要訣 龔方中南華注解臥疴漫錄杜律解 浦

南金詩學正宗 陸鑪書法傳授篇 張沂皇明風雅

史寶傷寒要約 金松水利圖考 莊某十四經絡

發揮 李士龍雲塘集雲塘雜說隱集 字應明以歲

姚訓導嘉興教諭 終福建府教授 何其高素問辨疑濟世奇方 唐

景亮職方紀畧劍澤政錄 金華康衢鼓吹 茅震胎

前在後書 楊徵元詩學正旨 張任大征疏稿 邱

峻菱川集邱氏世畧 唐欽訓傷寒心要 李謨碧幢

集 唐愛似野堂集 趙中行定川稿 陳其詩抱真

集 宋登春鷺池集燕石集 孫以明市隱園集 侯

剛會江西學政全書 陳可言壽經傳類事 汪應

期雲笈廣詮 朱用楫嘉樹堂稿 宣光祖閒居觀省

錄彙古編 湯聘尹掖垣諫草史稗茂禧堂集 時偕

行廸幼編志學稿 龔世美正俗編 嚴貞度恤刑題

稿 金光登攸好錄 陸坦鄉兵議庚除詩稿 張恒

恤刑題稿 封謙光干姓文 蘇楷雪堂詩草 字子木 號石農

諸生居 石岡園 周道隆涉江集史要 周之謨經解 潘士

瑋鶴村集枕石草 字仲珍居白鶴江諸 生孫致彌序共集 侯鼎暘天浮

職文考二

子集 張元陽方隅武備 唐象鈞革瓢集寓陶小草

求心草信芳草分年耕煙草 字石次安亭人 趙世熙石岡遺

老集 唐正雅作求集 徐元嘏啟秀堂稿燕遊草刑

部獄記 張昉巽齋擬存 鄭允冀舫齋雜識 時懋

敬遺芬閣集 陸禹定讀史隨筆 嚴振英閩菴吟草

字亦見順治諸生 汪允貞遺厚堂稿弋古隨筆 陸元學易

折衷 夏雲蛟心學直指豫章遊草 沈宏祖懷閣浪

言 馬元調橫山遊記 嚴鉅綴雪齋草一硯齋草

唐景曜夢遊集 沈懷祖森玉樓續稿 徐元敏易經

朱囊解 張涵碧涵小草 沈宏之歷步草 時圯授

文選旁訓 楊清杜詩筏喻 趙洪範西臺疏稿 陸

坦庚除詩稿 徐時勉毛詩注疏大全合纂澄城政畧

東歸稿 許大達懷音集 戴鑑嘉定詩徵 葉允陞

偶住草 張景韶止老堂稿 盛萬紀友梅軒稿 申

艇見聞隨筆 沈巨仲懷閣詩草 朱廷選邵廬詩草

鄭道寧鷗村詩選 馬舒經書正謬 朱璠四書集

解見心錄 朱樵夢圃小言 張懿實方瓢詩草 陸

元鼎四書參 顏向湮采真集咬蔗集獨繭編將作草

投瓢集夏峰詩草干青集沽哉編洗筆吟捫腹稿 字雲上秀

金恕南塘詩文集 吳熙若錄引齋稿 沈吳銓

一瓢雲門葦齋真遊楚遊閩遊諸草 字山啟安亭人 沈良沈

文明榮贈樓兩世集 俞堅醫學慎術 奚士柱設菊

軒詩稿 沈伊所杏耕堂詩集 朱偉歷代史論 時

敘周禮旁訓增訂四書備考 殷開之德徵錄 印德

建院江吟稿 吳台碩成齋文集 王晉陞性理大全

辨要 錢昇詩經纂注 施齡瑞貧谷集 印德藻柳

村詩集 施燧筠坡詩文集 顧楫朱子語類纂要

金造士多聞擇善 金邁吹函小草 顏聿藻續小名

錄 秦煒小學約說 金奏鈞僅存草 僧本源翠微

閣集 清住非菴詩草 智選禁香林稿 居草木詩

德勝梅園漫稿 育賢山居雜偈 宏道西林小草

明暹禪餘草 超定定山禍雜錄 德徹樵餘草

之莫禪外集 道存味深稿 曇疇金臺稿 恩鏗友